

გაზეთი ბეჭდის „ვერსიას“ ერთი

ვერსია



№15 (1557) 12 18 მაისი ოთხშაბათი 2021 წელი

1 ლარი

ყოველკვირეული საზოგადოებრივ-პოლიტიკური გაზეთი www.versia.ge

არის თუ არა საქართველოში
წინიბურას დეფიციტი



გაძვირდება თუ არა იმპორტირებული
ხორბალი – ინტერვიუ სოფლის
მეურნეობის მინისტრის მოადგილესთან

პაემანი „რაინდთან“

ქვეყნის რეალური
გადამრჩენი
თუ თამაში
პატრიოტული
გრძნობებით



**„ვასაძეს დალხენილი პოლიტიკური
ცხოვრება არ ექნება!“**



რას ურჩევს ნიკა მელიას
და მოვლენების რა
სცენარით განვითარებას
პროგნოზირებს
გია ხუხაშვილი

ირაკლი ღარიბაშვილს ახალი,
საუციალური მრჩეველი ჰყავს



რა მისიით ჩამოვიდა
საქართველოში და ვინ
არის ვაზილ ჰუდაკი

**რა შედეგებით ისარგებლებენ
მოიჯარე ფერმერები**

პროგრამა „განახლებული რეგიონების“ ფარგლებში,
ნ3-ვე მუნიციპალიტეტში ტენდერები გამოცხადდება



125
დასვის პოლიცია
SECURITY POLICE

ალექსანდრე დარახველიძემ შინაგან საქმეთა სამინისტროში შპს პირების შესახებ საკონსულტაციო შეხვედრაში მონაწილეობა მიიღო



შინაგან საქმეთა სამინისტროში შეზღუდული შესაძლებლობის მქონე პირებთან, მათ წარმომადგენლობით ორგანიზაციებთან და ამ სფეროში მომუშავე სხვა არასამთავრობო ორგანიზაციებთან საკონსულტაციო შეხვედრა გაიმართა. ღონისძიებას შინაგან საქმეთა სამინისტროს მხრიდან უძღვებოდა მინისტრის მოადგილე, ალექსანდრე დარახველიძე.

შეხვედრა მიზნად ისახავდა საქართველოს შინაგან საქმეთა სამინისტროს სისტემაში, შეზღუდული შესაძლებლობის მქონე პირთა უფლებების დაცვის 2021 წლის სამოქმედო გეგმის პრეზენტაციასა და მის განხილვას. აღნიშნული სამოქმედო გეგმა შინაგან საქმეთა სამინისტროს, ვახტანგ გომელაურის ბრძანებით, მიმდინარე წლის 31 მარტს დამტკიცდა.

შინაგან საქმეთა სამინისტროს ინიციატივით, ასევე, ევროკავშირისა და გაეროს განვითარების პროგრამის (UNDP) მხარდაჭერით გამართულ შეხვედრას ესწრებოდნენ და მონაწილეებს სიტყვით მიმართეს საქართველოში გაეროს განვითარების პროგრამის (UNDP) მოქმედმა ხელმძღვანელმა, ანა ჩერნიშოვამ და საქართველოს სახალხო დამცველის მოადგილემ, ეკატერინე სხილაძემ.

სამოქმედო გეგმის ეფექტური იმპლემენტაციის მიზნით, შეხვედრის მონაწილეებმა განიხილეს გეგმით გათვალისწინებული მიზნები და ამოცანები, განსახორციელებელი აქტივობები და მათი შესრულების ინდიკატორები. შეხვედრის ფარგლებში, შეზღუდული შესაძლებლობის მქონე პირებს, მათ წარმომადგენლობით ორგანიზაციებსა და ამ სფეროში მომუშავე სხვა არასამთავრობო ორგანიზაციების წარმომადგენლებს, სამოქმედო გეგმასთან დაკავშირებით, რეკომენდაციებისა და მოსაზრებების წარდგენის შესაძლებლობა მიეცათ – საჭიროების შემთხვევაში, სამოქმედო გეგმაში შესაბამისი ცვლილებების ასახვის მიზნით.

აღსანიშნავია, რომ შეხვედრა საფუძველს ჩაუყარს რეგულარული ხასიათის მქონე სამომავლო თანამშრომლობას, რომლის ნიადაგზეც, საკონსულტაციო ჯგუფი შეიქმნება. მისი მიზანი იქნება შინაგან საქმეთა სამინისტროს კომპეტენციის მიკუთვნებულ საკითხებზე შეზღუდული შესაძლებლობის მქონე პირთა თემთან მუდმივი და მჭიდრო კონსულტაციების წარმოება ისევე, როგორც სამომავლო სამოქმედო გეგმების შემუშავებისა და განხორციელების პროცესში მათი არსებითი ჩართულობის უზრუნველყოფა.

საქართველოს დელეგაციას ამერიკის შეერთებული შტატების სანაპირო დაცვის გემზე უმასპინძლეს

ამერიკის შეერთებული შტატების სანაპირო დაცვის გემზე, საქართველოში აშშ-ის ელჩმა, კელი დეგნანმა და ხომალდის მეთაურმა, I რანგის კაპიტანმა, ტიმ ქრონინმა შინაგან საქმეთა სამინისტროს სასაზღვრო პოლიციის უფროსს, პოლკოვნიკ ნიკოლოზ შარაძეს უმასპინძლეს.

ოფიციალურ ტურში მონაწილეობდნენ საქართველოს თავდაცვის მინისტრი, ჯუანშერ ბურჭულაძე, სანაპირო დაცვის დეპარტამენტის დირექტორი, I რანგის კაპიტანი რამაზ პაპიძე, თავდაცვის ძალების მეთაური, გენერალ-მაიორი გიორგი მათიაშვილი და აჭარის ავტონომიური რესპუბლიკის მთავრობის თავმჯდომარე, თორნიკე რიჟვაძე.

ქართული დელეგაციის წევრებმა ამერიკული ხომალდი დაათვალიერეს და ხომალდის მეთაურისგან მისი ოპერაციული შესაძლებლობებისა და ტექნიკური მახასიათებლების შესახებ ამომწურავი ინფორმაცია მიიღეს.

ამერიკის შეერთებული შტატების სანაპირო დაცვის ხომალდი – USCGC HAMILTON (WMSL 753), ბათუმის ნავსადგურში 5 მაისს შემოვიდა. ხომალდს საქართველოს ტერიტორიულ წყლებში შინაგან საქმეთა სამინისტროს სასაზღვრო პოლიციის სანაპირო დაცვის დეპარტამენტი მასპინძლობს.

ნავსადგურში შემოსვლამდე, ამერიკის შეერთებული შტატების სანაპირო დაცვის ხომალდისა და საქართველოს სანაპირო დაცვის ხომალდების – „დიოსკურასა“ და „ოჩამჩირეს“ მონაწილეობით, საქართველოს ტერიტორიულ წყლებში, ერთობლივი საზღვაო ვერტნიები ჩატარდა. ხომალდის ვიზიტი აშშ-სა და საქართველოს შორის უსაფრთხოების სფეროში თანამშრომლობის განმტკიცებას ემსახურება, ხელს უწყობს რეგიონში მშვიდობასა და სტაბილურობას, ასევე, ხაზს უსვამს ევრო-ატლანტიკური უსაფრთხოებისთვის შავი ზღვის მნიშვნელობას.

აშშ-ის სანაპირო დაცვის ხომალდმა ბათუმის ნავსადგური 6 მაისს დატოვა.

შინაგან საქმეთა მინისტრი „სინოფარმის“ კორონავირუსის საწინააღმდეგო ვაქცინით აიცრა



საქართველოს შინაგან საქმეთა მინისტრი, ვახტანგ გომელაური „სინოფარმის“ კორონავირუსის საწინააღმდეგო ვაქცინით აიცრა. ვახტანგ გომელაურთან ერთად, ნიკოლოზ ყიფშიძის სახელობის ცენტრალურ საუნივერსიტეტო კლინიკაში, ვაქცინაცია ჩაუტარდათ მინისტრის მოადგილეს, ალექსანდრე დარახველიძეს, ასევე, სამინისტროს სხვადასხვა დანაყოფის ხელმძღვანელ პირებსა და პოლიციის თანამშრომლებს.

„გავიკეთე აცრა „სინოფარმის“ ჩინური წარმოების ვაქცინით. მინდა, ყველას მოვუწოდო, პირველ რიგში, შინაგან საქმეთა სამინისტროს თანამშრომლებს, ნავახალისო ისინი, ასევე, მოვუწოდო ჩვენს მოქალაქეებს, რომ გაიკეთონ ვაქცინა.

რასაც ვხედავთ ჩვენ მსოფლიოში, რაც ხდება, სამწუხაროდ, წელიწადზე მეტია ველოდებით, თუმცა არაფერი შეცვლილა – დღითიდღე უარესდება მდგომარეობა მსოფლიოში, ყველგან და მათ შორის, ჩვენთანაც, ძალიან ბევრი ადამიანი იღუპება. რასაც ვხედავთ, რასაც გვეუბნება მსოფლიოს ჯანდაცვის ორგანიზაცია, ჩვენი ჯანდაცვის სამინისტროს წარმომადგენლები, ექიმები, სხვა გამოსავალი არ არის, ყველა უნდა აიცრას, ვისაც ჯანმრთელობა უწყობს ხელს და ექიმების რეკომენდაცია ექნება“, – განაცხადა ვახტანგ გომელაურმა.

შსს-ს მიგრაციის დეპარტამენტის დროებითი განთავსების ცენტრში, ღია სივრცის მოწყობის მიზნით, ინფრასტრუქტურული პროექტი განხორციელდა



შინაგან საქმეთა სამინისტროს მიგრაციის დეპარტამენტის დროებითი განთავსების ცენტრში, ღია სივრცის მოწყობის მიზნით, ინფრასტრუქტურული პროექტი განხორციელდა.

საქართველოში კანონიერი საფუძვლის გარეშე მყოფ პირთა დროებითი განთავსების ცენტრში სასეირნო სივრცე მოეწყო. შესაბამისად, განთავსებული პირები შეძლებენ, დღის განსაზღვრული მონაკვეთი საკუთარი სურვილისამებრ გაატარონ ღია სივრცეში და დაკავდნენ ფიზიკური აქტივობებით.

ასევე, სამედიცინო მომსახურების ხელმისაწვდომობის გაზრდის მიზნით, ცენტრში გაიზარდა სამედიცინო პერსონალის რაოდენობა და დაინერგა 24/7-ზე სამედიცინო მომსახურება.

აღნიშნული ღონისძიებები განხორციელდა წამების პრევენციის ევროპული კომიტეტისა და საქართველოს სახალხო დამცველის რეკომენდაციების გათვალისწინებით.

კახეთის პოლიციამ ყვარალში მომხდარი დაჭრის ფაქტი განხილავს – დაკავებულია ერთი პირი

შინაგან საქმეთა სამინისტროს კახეთის პოლიციის დეპარტამენტის თანამშრომლებმა, ცხელ კვალზე ჩატარებული ოპერატიულ-სამძებრო და საგამოძიებო ღონისძიებების შედეგად, 1982 წელს დაბადებული ი.ყ. განზრახ მკვლელობის მცდელობისა და ცეცხლსასროლი იარაღის მართლსაწინააღმდეგო შეძენა-შენახვა-ტარების ბრალდებით დააკავეს.

დანაშაული 7-დან 15 წლამდე ვადით თავისუფლების აღკვეთას ითვალისწინებს. გამოძიებით დადგინდა, რომ ბრალდებულმა, მიმდინარე წლის 5 მაისს, ყვარლის მუნიციპალიტეტის სოფელ ახალსოფელში, ურთიერთშელაპარაკებისას, თავისი ნაცნობი – 1982 წელს დაბადებული მ.პ. ავტომატური ცეცხლსასროლი იარაღიდან გასროლით დაჭრა და შემთხვევის ადგილიდან მიიშალა. დაჭრილი მამაკაცი გადაყვანილია კლინიკაში, სადაც შესაბამისი მკურნალობა უტარდება.

სამართალდამცველებმა, ცხელ კვალზე ჩატარებული ოპერატიულ-სამძებრო ღონისძიებების შედეგად, ი.ყ. მომხდარიდან რამდენიმე საათში, ყვარლის მუნიციპალიტეტში დააკავეს.

პოლიციამ ნივთმტკიცებად ამოიღო ავტომატური ცეცხლსასროლი იარაღი.

გამოძიება განზრახ მკვლელობის მცდელობისა და ცეცხლსასროლი იარაღის მართლსაწინააღმდეგო შეძენა-შენახვა-ტარების ფაქტზე საქართველოს სსკ-ის 19-108-ე მუხლით, ასევე, 236-ე მუხლის მე-3 და მე-4 ნაწილებით მიმდინარეობს.

ის დაბრუნდა, დაბრუნდა დიდი გეგმებით და იმის რწმენით, რომ ღვთისმშობლის წილხვედრ ქვეყანას, მის გარდა, ვერავინ გადაარჩენს. ზოგადად, ასეთი ზეპატრიოტული ამბიციის აქამდეც ბევრს ჰქონია და, რასაკვირველია, ამის მერეც ექნება, მაგრამ ეს კონკრეტული შემთხვევა მაინც განსაკუთრებულია. განსაკუთრებულია, ჯერ ერთი, იმიტომ, რომ რაინდი ქვეყნის უპირველეს მტრად ლიბერალიზმს მიიჩნევს და თავისი ცხოვრების მთავარ მიზნად ლიბერალიზმის დამარცხება დაუსახავს. მეორეც, ნებისმიერი გონიერი ადამიანი ხვდება – ლევან ვასაძე ადამიანების პატრიოტულ გრძნობებზე თამაშობს, თუმცა ისიც თვალნათელია, რომ ამ პატრიოტიზმის უკან სხვა რამ იმალება. რა არის ეს სხვა რამ? – ამ კითხვაზე ასპროცენტებიანი სიზუსტით პასუხის გაცემა შეუძლებელია, მაგრამ მოარული ხმა იმის შესახებ, რომ შეიძლება, კვალი ჩრდილოეთამდე მივიდეს, სავსებით რელევანტურია. რატომ? – იმიტომ, რომ რაინდის რუსულ კავშირებზე, იგივე, ქართულ ბექდურ თუ ტელემედიასში არაერთხელ თქმულა.

ბოლო, ყველაზე თვალსაჩინო აქტივობა ლევან ვასაძეს 2019 წელს ჰქონდა, როცა 17 მაისს, „თბილისი პრაიდი“ ჰომოფობიასა და ტრანსფობიასთან ბრძოლის საერთაშორისო დღის აღსანიშნავად ემზადებოდა. მაშინ, ალბათ, გახსოვთ, ვასაძემ და მისმა თანამოაზრეებმა, თბილისის ქუჩებში პატრულირება დაიწყეს, რაც „ქვიარ“ აქტივისტების გამოვლენასა და გაკიცხვას ემსახურებოდა.

რაინდი მაშინაც აქტიურობდა, როცა თბილისში ფილმის „და მათ იცეკვებს“ პრემიერა უნდა გამართულიყო – პრემიერაზე მისულ ადამიანებს სირცხვილის კორიდორები მოუწყვეს, მანამდე კი იქაძნებოდნენ, რომ ფილმის ჩვენება არ შედგებოდა, თუმცა დაქაძნება დაქაძნებად დარჩა.

შარშან ანუ 2020 წელს, პანდემიის გამო, „თბილისი პრაიდი“ არ გამართულა, ამიტომ ვასაძემ ნაკლებად აქტიურობდა. წლევანდელი გააქტიურების საბაბი კი, როგორც თავად განმარტა, შარლ მიშელის ის დოკუმენტი გახდა, რომელსაც 19 აპრილს, ხელი ხელისუფლებამ და ოპოზიციის ნაწილმა მოაწერა.

„ბოლო წვეთი ჩემთვის იყო დანიელსონის დოკუმენტზე ხელმოწერა ოპოზიციისა და მმართველი ძალის. ამ დოკუმენტით, გარდა იმისა, რომ მოხდა დამნაშავეების ციხიდან გამოშვება, მოხდა კიდევ უფრო დამაზიანებელი რამ, რაც არის ქვეყნის სუვერენიტეტის შეზღუდვა. ეს თუ შესრულდა, ამით ჩვენი ქვეყნის ისედაც მყიფე სუვერენიტეტი კიდევ უფრო იზღუდება.“

როგორც უნდა გვისხინდნენ ჩვენი უცხოელი პარტნიორები, რომ ეს ხდება ქვეყნის დახმარების მიზნით, ეს არის ანა-ბანა, რომ ხდება ქვეყნის სუვერენიტეტის შეზღუდვა. ამის სანაცვლოდ, ჩვენ მივიღეთ კიდევ 400 მილიონი ლარი ვალად, რომელსაც ეს ისტებლიშმენტი შეჭამს და შეატოვებს ამ ვალს ქვეყანას“, – განაცხადა ვასაძემ 6 მაისს გამართულ პრესკონფერენციაზე, სადაც საზოგადოებას ამცნო, რომ პოლიტიკურ მოძრაობას ქმნის, რომელსაც „ერი“ ერქმევა.

თავისთავად, საინტერესოა „ერი“-ს განმარტება. კერძოდ, „ერი“ არის აბრევიატურა სამი სიტყვისა – „ერთობა, რაობა, იმედი“. აქედანაც ჩანს, რომ რაინდი ადამიანების პატრიოტულ ემოციებზე თამაშობს. ზოგადად, პატრიოტული ემოციები ყველგან და, განსაკუთრებით, საქართველოში, კარგად კი არა, ძალიან კარგად იყიდება.

მოგვიანებით, „ერის“ ლიდერმა კიდევ ერთი განცხადება გაავრცელა და ნამდვილ ქალებსა და კაცებს მოუწოდა, რომ 16 მაისს დაგეგმილ აქციაზე მივიდნენ:

„16 მაისს, ქაშუეთის უკან, 9 აპრილის ბაღში შევიკრიბოთ. ვეძახი ყველას, გვარებს, ჩემი გვარის ჩათვლით, პატრიარქის ნათლულებს, იმ 45 000 ბავშვის ოჯახს, ვისაც მოზერდა აქ ცხოვრება, სადაც შეურაცხყოფენ მათ ნათლიას და სახელმწიფო ვერაფერს აკეთებს ეკლესიის დასაცავად. ვეძახი ყველა იმ ადამიანს, ვინც კი არ ელოდება, რომ კიდევ ერთი პოლიტიკოსი გამოვა,

პაემანი „რაინდთან“

ქვეყნის რეალური გადამრჩენი თუ თამაში პატრიოტული გრძნობებით



რალაცებს დაგვირდება, ხელს აიქნევს და ეს ყველაფერი შესრულდება, არამედ, ვისაც უნდა, რომ დაუდგეს ნამდვილ კაცებს და ქალებს გვერდით, რალაცა ჩადოს, რალაცა გაიღოს ამ საერთო საქმისთვის... გელოდებით ყველას, იქნება ძალიან საინტერესო, იმედით, ერთობით და რაობით სავსე დღე“.

სანამ ნამდვილი ქალები და კაცები ლევან ვასაძესთან პაემანზე მივლენ, ინტერნეტში ანალიტიკოს ლელა ჯეჯელავას განცხადება ვრცელდება, რომელშიც ნათქვამია:

„ათწლეულების განმავლობაში, პოლიტიკურ ველზე, ქართული ეკლესიისა და პატრიარქის რეიტინგების ზომვამ ლოგიკური შედეგი გამოიღო და საქართველოს მართლმადიდებელ ეკლესიას უკვე აქვს საკუთარი პოლიტიკური პარტია, გამზადებული ელექტორატით და აკუმულირებული საპროსტესტო ენერჯით...“

ვის გვერდით დგას დღეს ხალხი? – რიონისხეობელი მშვენიერი ახალგაზრდა ქართველი კაცის, ვარლამ გოლეთიანის, რომელიც 200 დღეა, ქართული მიწის „გაყიდვის“ წინააღმდეგ იბრძვის.

კიდევ, სად დგას ხალხი? – „გაყიდული“ დავით გარეჯის დასაბრუნებლად.

ვინ გვეცილება რიონის ხეობას? – „თურქები!“ ეს ერთმნიშვნელოვანი პასუხია, თუმცა რუსული პასუხი, რადგან „ენკა“ ნორვეგიულ-თურქული კომპანიაა.

ვინ გვეცილება დავით გარეჯს? – „აზერბაიჯანი!“ ესეც ერთმნიშვნელოვანი პასუხია, თუმცა რუსული პასუხი, რადგან იქ საზღვარი აზერბაიჯანს არ გაუფლია, სხვათა შორის, ქართველმა გაავლო, რომელის მიმართაც სენტიმენტები იმათ, ვინც დღენიადაგ გვამადლის სულიერებასა და პატრიოტიზმს, ჯერაც აქვთ!

მერე, რა, რომ რუსეთმა ამ 30 წლის განმავლობაში, ჩვენი მიწის 20 პროცენტი საერთოდ უკაპიკოდ წაიღო და, პირიქით, ათასობით ქართველის სისხლით გადაგვხდევინა საფასური ჩვენი თავისუფლებისთვის. როგორ საჭირო და სავალდებულოც კი იყო „200 დღე კარვებში პროტესტი“ – საზღვრისპირა რეგიონებში, ჩვენი ტერიტორიებიდან გატაცებული ადამიანების გათავისუფლების მოთხოვნით, მტრისთვის ყასიდად მაინც რომ გვეჩვენებინა, რომ მათი ბედი გვანუსებს. წერილებს კი ხშირად ვუგზავნიდით რუსეთის ბრძენ მართველს. ეგ იყო ოლონდ, რომ პასუხის ღირსად არასოდეს ჩაუთვლია ჩვენი ეკლესია!

საქართველოში ერთი საპროტესტო აქციაც არ შენარჩუნებულა ისე ხანგრძლივად, როგორც ნამახვანძვისის სანინამდეგო პროტესტი. ეს არის პროტესტი თავისი დინამიკით, რიტმით, დრამატურგიით, ძალიან საინტერესო პერსონაჟებითა და ძალიან მზარდი ენერჯეტიკული მუხტით. სრულიად წარმოუდგენელია, რომ სპონტანურად შეკრებილ, გამოუცდელ ადამიანებს, მათი გულწრფელობის მიუხედავად, ეს მოეხერხებინათ. იმთავითვე ცხადი იყო, რომ ამ პროტესტის უკან ძალიან სერიოზული ორგანიზებული ძალა იდგა.

რიონის ხეობის მცველებმა რამდენჯერმე დააანონსეს აქციის თბილისში გადმოტანა, მაგრამ გადადეს არცთუ ცხადი დასაბუთების საფუძველზე.

ამჯერად, აქცია თბილისში, 23 მაისს არის დაანონ-

სებული. ბუნებრივია, რომ 23-ში, დედაქალაქში, პროტესტის მართვის სადავეები ნამახვანელი ვარლამიდან უკვე რაინდ ვასაძის ხელში გადავა და ეს პროტესტი უკან, რიონის ხეობაში აღარ დაბრუნდება.

საკმაოდ საინტერესო იყო ლევან ვასაძის 6 მაისის განცხადება, რომ მისი პოლიტიკაში შემოსვლისთვის ბოლო წვეთი იყო შარლ მიშელის დოკუმენტი, რომლითაც ევროპამ თავისუფლება წაგვართვა. უფრო ცხადად დალაგებული ფაზლი იშვიათია პოლიტიკაში. რამდენი რამის დაბრუნებისთვის უნდა იბრძოლოს რაინდმა პოლიტიკოსმა?! – თურქებისგან რიონის ხეობის, აზერბაიჯანელებისგან დავით გარეჯის სინმინდების, ევროპისგან მიტაცებული თავისუფლების, ამერიკელებისაგან წართმეული ქართველობის და ოჯახის სინმინდის ანუ გარე მტრები გარკვეულია, მაგრამ კომპლები მათთვისაც გამოთლილია და ჭერში აწყვია, ვინც რიონის ხეობა „გაყიდა“, ვინც გარეჯი „გაყიდა“, ვისაც თავის ქვეყანაში ჯალმადის საშვის გარეშე გადაადგილება უნდა, ვისაც „ჰარი პოტერის“ წაკითხვა უნდა და, უბრალოდ, ერთიკული ფილმის ნახვის შემდეგ, კინოდარბაზიდან ჩაფხუტის გარეშე გამოსვლა ურჩევნია“.

და მაინც, ვინ არის ლევან ვასაძე? – მისი მოკლე ოფიციალური ბიოგრაფია ასეთია:

ბიზნესმენი ლევან ვასაძე, საქართველოში, მსოფლიო საოჯახო კონგრესის წარმომადგენელია. ოჯახების მსოფლიო კონგრესი (WCF) ქრისტიანულ-ევანგელისტური ორგანიზაციაა, რომელიც ლგბტ თემის მიმართ სიძულვილს აღვივებს, ხოლო მისი მისია, მსოფლიოს მასშტაბით, „ბუნებრივი ოჯახის“ დაცვის სახელით, ლგბტ უფლებების გავრცელების წინააღმდეგ ბრძოლაში მდგომარეობს. კონგრესის მიერ „ბუნებრივი ოჯახი“ განისაზღვრება, როგორც ქმრის, ცოლისა და მათი ბიოლოგიური შვილისგან შემდგარი ერთობა.

2016 წლის 15-17 მაისს, რიგით მეათე საიუბილეო კონგრესი, სახელწოდებით, „ცივილიზაციის გზაჯვარედინზე: ოჯახი – თავისუფლებისა და ზოგადსაკაცობრიო ღირებულებების ბასტიონი“, თბილისში გაიმართა. ღონისძიების ორგანიზატორი და მასპინძელი ლევან ვასაძე იყო, რომელმაც კონგრესზე ჰომოფობიური, ანტიდასავლური და პრორუსული განწყობების შემცველი სიტყვა წარმოსთქვა.

ლევან ვასაძე ორგანიზაცია საქართველოს დემოგრაფიული საზოგადოება XXI-ის ერთ-ერთი დამფუძნებელიცაა, რომლის მიერ მომზადებული ორი საკანონმდებლო ინიციატივა 2015 წელს, საქართველოს პარლამენტში, „ქართული ოცნების“ დეპუტატმა, სოსო ჯაჭვლიანმა წარადგინა. ინიციატივები მოითხოვდა ანტიდისკრიმინაციული კანონიდან სიტყვების – „სექსუალური ორიენტაცია“ და „გენდერი“ ამოღებას, ასევე, საქართველოს ადმინისტრაციულ სამართალდარღვევათა კოდექსით, „რელიგიური გრძნობების შეურაცხყოფის“ დასჯადად გამოცხადებას.

ერთი სიტყვით, ლევან ვასაძესთან „პაემანი“ დაანონსებულია. როგორი იქნება ამ პაემნის ბოლო აკორდი? – ამას დრო გვიჩვენებს. ასე რომ, დაველოდოთ მოვლენების განვითარებას.

„ვასაძეს დალხენილი პოლიტიკური ცხოვრება არ ექნება!“

თათია გორაძე
598-43-50-34

ევროკავშირის მიერ გადახდილი გირაოს სანაცვლოდ, ნაციონალური მოძრაობის თავმჯდომარე ნიკა მელიამ საპატიმრო დატოვა, რამაც შესაძლოა, ქვეყანაში პოლიტიკური პროცესი უფრო საინტერესო გახადოს... ციხიდან გამოსულ მელიას საკუთარ პარტიაში დიდი ვნებათაღელვა ელოდება – ენმ-ში ამჯერად პარლამენტში შესვლა-არშესვლის საკითხმა გამოიწვია განხეთქილება და ამ პროცესში, მთავარი ხმით, მიხეილ სააკაშვილი მნიშვნელოვან როლს თამაშობს. ამრიგად, საინტერესოა, რა პოზიციას დაიკავებს პარტიის თავმჯდომარე, რომელმაც საპატიმროში პოლიტიკური პრობლემები ვერა, მაგრამ ზედმეტი კილოგრამები ნამდვილად დატოვა... მელიას გათავისუფლების მიუხედავად, ენმ 15 მაისისთვის მასშტაბურ აქციას ისევ აანონსებს, ყოველ შემთხვევაში, უკვე დაანონსებული აქცია ჯერ არავის გადაუტანია. საგულისხმოა, რომ 16 მაისს, მასშტაბურ მიტინგს პოლიტიკაში ახლადშემოსული რაინდი, ლევან ვასაძეც გეგმავს. მოკლედ, ერთსა და იმავე პერიოდში, ორი კარდინალურად განსხვავებული იდეოლოგიის მქონე პოლიტიკური ძალა საპროტესტო აქციას რომ მართავს, ეს უკვე მოვლენების საინტერესოდ განვითარების სერიოზული ინდიკატორია... არსებულ პოლიტიკურ ვითარებაზე ექსპერტ მის ხუბაშვილს დავუკავშირდით და ვკითხვე, რა შეიცვლება ქართულ პოლიტიკაში, ნიკა მელიას საპატიმროდან გამოსვლით:



– დიაპაზონი საკმაოდ დიდია. წინასწარ ძნელი სათქმელია, მელიას საკმაოდ რთული ამოცანები აქვს უახლოეს პერიოდში გადასაწყვეტი და იქიდან გამომდინარე, თუ როგორ გადაწყვეტს ამას, შეიძლება, მისგან მოხდეს სერიოზული პოლიტიკური მოთამაშის ფორმირება. თუ მოახერხებს პარტიაზე კონტროლის აღებას და ჩვენ ვხედავთ, რომ ენმ-ში, ორი საკმაოდ სერიოზული წინააღმდეგობა ანუ ერთმანეთისგან განსხვავებული, ორი ძირითადი ხაზი ვითარდება – თუ მელია კონტროლს აიღებს, გარკვეულწილად, შეავინტროვებს სააკაშვილის პოზიციებს და ალაღვენს ოპოზიციას იმ თანხმობას, რომელიც ბოლო დროს დაირღვა, შეიძლება, გახდეს სერიოზული მოთამაშე. თუმცა, ამის გაკეთება საკმაოდ რთული იქნება.

– ის თუ არის მნიშვნელოვანი, რა პოზიციას დაიკავებს მელია პარლამენტში შესვლაზე? – ერთიან ნაციონალურ მოძრაობაში განხეთქილების მიზეზი, ახლა, სწორედ ეს თემაა...

– რა თქმა უნდა, ესეც მნიშვნელოვანია. ოპოზიციას იმ შემთხვევაში იქნება, თუ ნაციონალური მოძრაობა პარლამენტში შევა. ვფიქრობ, ეს პოლიტიკურადაც სწორია იმიტომ, რომ შეურიგებელ წინააღმდეგობებზე გადასვლის პოლიტიკა არ ამართლებს. შესაბამისად, ვფიქრობ, ის ზომიერი და უფრო ზეპარტიული პოზიციებიდან გამოდის და რატომღაც მგონია, უფრო იქით გადაიხრება, რომ კრიზისი პარლამენტში გადაიტანოს. ის კი არა, რომ კრიზისი ჩაცხრეს, არამედ, კრიზისი საპარლამენტო ფორმატში გადავიდეს.



რას ურჩევს ნიკა მელიას და მოვლენების რა სცენარით განვითარებას პროგნოზირებს გია ხუბაშვილი

– ბატონო გია, 15 მაისისთვის, ენმ მასშტაბურ აქციას აანონსებს და გუბაზ სანიკიძემ საინტერესო რამ თქვა, ლევან ვასაძე იწყებს აქციებს და შესაძლოა, ოპოზიციას ქუჩა წაართვასო. რას იტყვით, ეს მოსალოდნელია?

– ქუჩის წართმევა რა არის?... იმასაც შეუძლია, გამოვიდეს და ამასაც...

– გასაგებია, მაგრამ მთავარი ისაა, ხალხი ვისთან გავა, ბატონო გია...

– საერთოდ, აქციების დატოლება ძალიან მაგონებს ბავშვურ თამაშებს. კაცები რომ ატოლებენ რაღაცებს (იცინის)... სისულელე და პოლიტიკური ინფანტილიზმია იმიტომ, რომ აქციაზე ხალხის რაოდენობა საზოგადოების განწყობის სწორი ინდიკატორი არაა. ვასაძე, როგორც ვიცი, აქციის გამართვას 16-ში აპირებს და ნაციონალური მოძრაობის და ოპოზიციის ადგილზე, 15-ში აქციას არ ჩავატარებდი იმიტომ, რომ თუ ისინი გადადიან პრაგმატულ, საპარლამენტო ფორმატში, 15 მაისის აქცია, გარკვეულწილად, აზრს კარგავს. მით უმეტეს, 16-ში მოწყვება ვასაძის აქცია, რაღაც ცუდი კავშირებია და რაც მთავარია, რადიკალურად დაპირისპირებული იდეოლოგიით. ასე რომ, პირადად მე, ჩავხსნიდი ამ საკითხს. აქციის ჩატარებას აზრი მაშინ ჰქონდა, სანამ მელია ციხეში იჯდა, ახლა კი გამოვიდა და ამ ფორმატს ახლა არ გამოვიყენებდი.

ცოტა ხანს ასპარეზი დავუთმოთ კონსერვატიულ ძალებს, შევხედოთ და გავიგოთ, მათ რა უნდათ.

– ისე, ლევან ვასაძეს როგორ პოლიტიკურ მომავალს უწინასწარმეტყველებთ? თუ თბილისის მერობის არჩევნებში მიიღებს მონაწილეობას, გამარჯვების შანსი ექნება?

– ვფიქრობ, თბილისში არ იქნება ის ძალიან მოთხოვნადი იმიტომ, რომ ულტრაკონსერვატიული განწყობები თბილისში ნაკლებადია. რა განწყობებზე ვსაუბრობთ? – რელიგიურ საფუძველზე აგებული ნაციონალიზმი, ევროსკეპტიციზმი, ანტიგლობალიზმი, ანტივაქსერი და ა.შ. მთელი ეს „ბუკეტია“.

– რუსეთთან დიალოგის მომხრეებიც არ დაგვაგინყდეს...
– კი, ევროსკეპტიციზმში, თავისთავად, ეს იგულისხმება. ერთმორწმუნეობის თემაცაა შემოსული... ასე რომ, ეს სერიოზული სეგმენტია ქართულ პოლიტიკაში და ამას არასერიოზულად არ უნდა შევხედოთ, მაგრამ ჯერ ბოლომდე კარგად გაზომილი არაა. ვფიქრობ, ეს 10-15%-ის ფარგლებშია, ქვეყნის მასშტაბით, თან ამასაც უნდა ათვისება და კონკურენტულ ჰყავს „პატრიოტთა ალიანსის“ სახით, რომელსაც პოლიტიკაში მეტი გამოცდილება აქვს.

– კი, ევროსკეპტიციზმში, თავისთავად, ეს იგულისხმება. ერთმორწმუნეობის თემაცაა შემოსული... ასე რომ, ეს სერიოზული სეგმენტია ქართულ პოლიტიკაში და ამას არასერიოზულად არ უნდა შევხედოთ, მაგრამ ჯერ ბოლომდე კარგად გაზომილი არაა. ვფიქრობ, ეს 10-15%-ის ფარგლებშია, ქვეყნის მასშტაბით, თან ამასაც უნდა ათვისება და კონკურენტულ ჰყავს „პატრიოტთა ალიანსის“ სახით, რომელსაც პოლიტიკაში მეტი გამოცდილება აქვს.

– ასე რომ, ვასაძეს არ ექნება დალხენილი ცხოვრება ამ სეგმენტზე, მათ შორის, შიდა კონკურენტის თვალსაზრისით. დავაკვირდეთ მოვლენებს, ეს ანგარიშგასაწევი ძალაა, მაგრამ არ მგონია, რომ უნდა ვილაპარაკოთ ვასაძის მიერ არჩევნების მოგებაზე ანუ 50%-ზე და ასეთ ციფრებზე. 10-15% არის მაქსიმუმი, ჩემი აზრით, რისი კაპიტალიზაციაც მას შეუძლია.



ირაკლი ღარიბაშვილს ახალი, სპეციალური მრჩეველი ჰყავს

მაია მიშელაძე
593-51-90-12

საქართველოს პრემიერ-მინისტრს ახალი მრჩეველი ჰყავს. სლოვაკეთის ეკონომიკის ექსპერტი, ვაზილ ჰუდაკი, რომელიც ევროპის საინვესტიციო ბანკის ვიცე-პრეზიდენტი გახლდათ, ამიერიდან ირაკლი ღარიბაშვილის სპეციალური მრჩეველი იქნება უცხოური ინვესტიციების მიმართულებით. მთავრობის მეთაურის, ირაკლი ღარიბაშვილის განცხადებით, კორონავირუსის გამო შექმნილ რთულ ვითარებაში ეკონომიკის აღდგენის ახალი გეგმაა საჭირო. მისივე განმარტებით, ამ გეგმაში უცხოურ ინვესტიციებს განსაკუთრებული მნიშვნელობა ენიჭება. შესაბამისად, სპეციალური მრჩეველის ძირითადი ფუნქცია სწორედ ამ მიმართულებით აქტიური მუშაობა იქნება.

რა მიმართულებით იმუშავებს სლოვაკი მრჩეველი

როგორც ქვეყნის პრემიერ-მინისტრმა, ირაკლი ღარიბაშვილმა განაცხადა, ვაზილ ჰუდაკი იმუშავებს უცხოური საჯარო და კერძო სექტორებიდან მხარდაჭერის მობილიზებაზე საქართველოს მთავრობის ახალი ეკონომიკური სტრატეგიისთვის; მას ურთიერთობა ექნება ევროკავშირთან; საერთაშორისო სავალუტო ფონდთან; მსოფლიო ბანკთან; ევროპის საინვესტიციო ბანკთან; ევროპის რეკონსტრუქციისა და განვითარების ბანკთან და სხვა საერთაშორისო საფინანსო ინსტიტუტებთან. მეტიც, ვაზილ ჰუდაკი იმუშავებს საერთაშორისო სამენარმო-ეკონომიკურ სუბიექტებთან; საინვესტიციო ფონდებსა და ბანკებთან.

რაც მთავარია, ვაზილ ჰუდაკი აქცენტს გააკეთებს სტრატეგიულ და პრიორიტეტულ საინვესტიციო პროექტებზე და მათ განხორციელებაში ჩართავს უცხოელ ინვესტორებს – როგორც ფიზიკურ, ასევე, იურიდიულ პირებს.

„მინდა, წარმოგიდგინო ჩემი სპეციალური მრჩეველი, ბატონი ვაზილ ჰუდაკი, რომელიც იმუშავებს უცხოური ინვესტიციების მიმართულებით... ქვეყანას სჭირდება ინვესტიციები, რაც ნიშნავს, რომ ეკონომიკა სწრაფად უნდა აღდგეს, ჩვენს მოქალაქეებს კი მეტი დასაქმება და მეტი შემოსავალი სწირდება. აქედან გამომდინარე, შევარჩიეთ ბატონი ვაზილი, რომელიც საქართველოს დიდი მეგობარია და მისი წარმატებული კარიერის განმავლობაში, მუშაობდა ევროპის საინვესტიციო ბანკის ვიცე-პრეზიდენტად, სლოვაკეთის ეკონომიკის მინისტრად, ასევე, ფინანსთა მინისტრად. მანამდე მუშაობდა კერძო ბანკებში, როგორებიცაა „ჯეი პი მორგანი“ და „სითი ბანკი“. ასევე მინდა გითხრათ, რომ ბატონი ვაზილი ძალიან კარგად იცნობს საქართველოს. როცა ბატონი ვაზილი ევროპის საინვესტიციო ბანკის ვიცე-პრეზიდენტი იყო, ხშირად სტუმრობდა საქართველოს. იგი კარგად იცნობს ჩვენს ეკონომიკურ გუნდს. ასევე მინდა აღვნიშნო, რომ ბატონი ვაზილი, მცირე და საშუალო საწარმოებისთვის ევროკავშირის სპეციალურ წარმომადგენლად წარადგინეს. ბატონმა ვაზილმა უკვე გამართა შეხვედრები ეკონომიკური პროფილის მინისტრებთან. მისი ამოცანაა, ჩვენი ახალი ეკონომიკური სტრატეგიისთვის უცხოური საჯარო და კერძო სექტორებიდან მხარდაჭერის მობილიზება...“

ჩვენი დღევანდელი სტრატეგიის გათვალისწინებით, საქართველოში, მცირე და საშუალო ზომის საწარმოების სფეროში ევროპის პოლიტიკას დიდ მნიშვნელობას ვანიჭებთ. ეს პოლიტიკა, სწორედ ბატონი ვაზილის ხედვითა და პროფესიული რჩევებით განხორციელდება. ასე, რომ მინდა, კიდევ ერთხელ დიდი მადლობა გადავუხადო ბატონ ვაზილს ამ შეთავაზების მიღებისთვის და დარწმუნებული ვარ, ერთობლივად მივაღწევთ იმ შედეგს, რომელიც ახლა სჭირდება ჩვენს ქვეყანას“, – განაცხადა ირაკლი ღარიბაშვილმა.

ვაზილ ჰუდაკმა აღნიშნა, რომ საქართველოს პრემიერ-მინისტრის სპეციალური წარმომადგენლის რანგში იმუშავებს, როგორც ქვეყნის განვითარებისთვის, ასევე, მთავრობის ხელშესაწყობადაც.

„უპირველეს ყოვლისა, ჩემთვის დიდი პატივია, რომ საქართველოში კვლავ დავბრუნდი. საქართველო არის ძალიან ახლოს ჩემს გულთან და როგორც ბატონმა პრემიერმა ბრძანა, საქართველოში ბევრჯერ ვყოფილვარ სხვადასხვა რანგში – ყველაზე ახლო პერიოდში ვიყავი, როგორც ევროპის საინვესტიციო ბანკის ვიცე-პრეზიდენტი. ეს არის უმსხვილესი ინვესტორი საქართველოში და საქართველოს ეკონომიკაში. ჩემთვის დიდი პატივია, რომ ახლა, საქართველოს პრემიერ-მინისტრის სპეციალური წარმომადგენლის რანგში ვიმუშავებ ქვეყნის განვითარებისთვის და მთავრობის ხელშესაწყობად.“

რა მისიით ჩამოვიდა საქართველოში და ვინ არის ვაზილ ჰუდაკი



ჩვენ რთულ პერიოდში გვინებს მუშაობა ერთად, ევროპაში, გლობალურად, კოვიდის გამო, მაგრამ მიმართა, რომ ეს რთული დრო არის შესაძლებლობების პერიოდიც. შესაძლებლობა გვაქვს, რომ გავიზარდოთ, განვითარდეთ ბევრი სხვადასხვა მიმართულებით, სხვადასხვა სფეროს უკეთესი ხარისხი შევქმნათ, შეერთებული შტატებიდან, ევროკავშირიდან და სხვა ქვეყნებიდან მოვიზიდოთ დახმარება. ჩვენ ვიცით, როგორ უნდა მოვახდინოთ ეკონომიკური სიტუაციის აღდგენა ინვესტიციების, მეტი ეკონომიკური განვითარების გზით. მიმართა, რომ ეს არის საქართველოს მომავალი ევროკავშირში. უკვე ბრძანა ბატონმა პრემიერმა, რომ ევროკომისიის და ევროკავშირის სპეციალური წარმომადგენელი ვარ მცირე და საშუალო საწარმოების მიმართულებით. ეს არის გამძლეობის მატებისთვის შექმნილი სპეციალური ინსტიტუტი. 50 მილიარდი ევრო გამოიყო ამ პროგრამისთვის. ორი ძირითადი ასპექტი გააჩნია ამ პროგრამას, ერთი გახლავთ გაციფროვნება და მეორე – მწვანე ან გარემოსდაცვითი მიმართულება, კლიმატის ცვლილების დაძლევა. ეს არის საქართველოს მიმართულებებიც – გახდეს უფრო ციფრული, უფრო თანამედროვე და უფრო მწვანე. მიმართა, ამით საქართველო კიდევ უფრო დაუახლოვდება ევროპას და ეს არის საქართველოს მთავრობის ძირითადი მისწრაფებაც. ამ პროცესში, ყველა ამ გამონეგვასთან ბრძოლის საქმეში, ეკონომიკური გუნდის ყველა მინისტრს შევხვდით, სხვადასხვა გამოწვევა და სხვადასხვა საჭიროება შევისწავლე. სახელმწიფო რესურსები არაა საკმარისი ყველა ამ საჭიროების დასაკმაყოფილებლად, სწორედ ამიტომაც მნიშვნელოვანი, რომ სხვა რესურსებიც იყოს მობილიზებული და კერძო სექტორიც იყოს ჩართული. სწორედ ამაში ვხედავ ჩემს როლს, რომ დავეხმარო საქართველოს მთავრობას იმ გზების გამოძებნაში, რომლითაც მოხდება სხვა რესურსების მობილიზაცია – საერთაშორისო დახმარების გზით, რაც საქართველოს მთავრობას კიდევ უფრო მეტ სარგებელს მოუტანს. ამას ვხედავ საჯარო და კერძო პარტნიორობის გზითაც, რაც საქართველოს ეკონომიკას წაადგება. მე ნამდვილად დიდი პატივი მაქვს, რომ ამ რანგში ვიმსახურო საქართველოს პრემიერ-მინისტრის მრჩეველად და საქართველოს, ქართველ ხალხს ვემსახურო, ეს არის საქართველოსა და ევროკავშირის კავშირების გაძლიერების შესაძლებლობა და ამ მისიას ძალიან სერიოზულად ვუდგები“.

ვინ არის ვაზილ ჰუდაკი

ვაზილ ჰუდაკს, როგორც საჯარო, ასევე, საერთაშორისო საფინანსო სექტორში მუშაობის მრავალწლიანი გამოცდილება აქვს. ამჟამად, ჩეხეთის რესპუბლიკის მთავრობის მრჩეველია ეროვნული განვითარების ფონდის შექმნის საკითხებში.

2006-დან 2010 წლამდე, ვაზილ ჰუდაკი იყო ამერიკული მრავალეროვნული საინვესტიციო ბანკის CITIGROUP-ის ვიცე-პრეზიდენტი ცენტრალურ და აღმოსავლეთ ევროპის სახელმწიფო ინსტიტუტებთან თანამშრომლობის საკითხებში (პრალა/ლონდონი); 2010-2011 წლებში, მუშაობდა ამერიკულ საინვესტიციო ბანკში – J.P. MORGAN CHASE (ლონდონის ოფისი), სადაც აღმასრულებელი დირექტორი გახლდათ ცენტრალური და აღმოსავლეთ ევროპის ქვეყნების საჯარო სექტორთან თანამშრომლობის მიმართულებით; 2012 წლიდან 2015 წლამდე იყო სლოვაკეთის ფინანსთა სამინისტროს სახელმწიფო მდივანი; 2015-2016 წლებში – სლოვაკეთის ეკონომიკის მინისტრის პოსტს იკავებდა; 2016-2019 წლებში – ევროპის საინვესტიციო ბანკის (EIB) ვიცე-პრეზიდენტი გახლდათ.

2019 წლის ნოემბრიდან, ვაზილ ჰუდაკი სლოვაკური საკონსულტაციო ცენტრის GLOBSEK-ის პროექტების მმართველია და იმავდროულად, ბუდაპეშტის (უნგრეთი) აეროპორტის სამეთვალყურეო საბჭოს წევრიცაა. 2021 წლის თებერვლიდან, ჰუდაკი ჩეხეთის განვითარების ფონდის საინვესტიციო კომიტეტის წევრია. პარალელურად, ჩეხური

საინვესტიციო ფონდის 4gimel-ის სამეთვალყურეო საბჭოს თავმჯდომარეობს.

ვაზილ ჰუდაკი 1964 წლის ოქტომბერში, ყოფილ ჩეხოსლოვაკიაში დაიბადა. სწავლობდა მოსკოვის სახელმწიფო ინსტიტუტის საერთაშორისო ურთიერთობების ფაკულტეტზე. დამთავრებული აქვს ჩეხეთის ჩარლის უნივერსიტეტი და ჰარვარდის ბიზნესსკოლა.

გარდა ამისა, ვაზილ ჰუდაკი იყო ევროკავშირის საბჭოს ეკონომიკური და ფინანსური კომიტეტის ვიცე-პრეზიდენტი; ევროკავშირის ბიუჯეტის მთავარი მომლაპარაკებელი ევროკავშირში იმ დროს, როდესაც ამ ორგანიზაციას სლოვაკეთი პრეზიდენტობდა; ჰუდაკი იყო სლოვაკეთის საინვესტიციო ჰოლდინგის, ასევე, სლოვაკეთის საგარანტიო და განვითარების ბანკის სამეთვალყურეო საბჭოს თავმჯდომარე; რეკონსტრუქციის საერთაშორისო ბანკისა და საერთაშორისო საინვესტიციო ბანკის სამეთვალყურეო საბჭოს წევრი; საერთაშორისო ანალიტიკური ორგანიზაცია EASTWEST INSTITUTE-ის ვიცე-პრეზიდენტი.

მცირე და საშუალო ბიზნესს ინვესტიციები სჭირდება

6 მაისს, ევროკავშირში, მცირე და საშუალო საწარმოების სპეციალურ წარმომადგენლად, სწორედ ვაზილ ჰუდაკი წარადგინეს. აქედან გამომდინარე, საინტერესოა, რას ფიქრობენ და როგორ აფასებენ პრემიერის გადაწყვეტილებას მცირე და საშუალო ბიზნესის წარმომადგენლები.

„ვერსიასთან“ საუბრისას, „საქართველოს მცირე და საშუალო საწარმოთა ასოციაციის პრეზიდენტმა“, მიხეილ ჭაიძემ აღნიშნა, რომ მცირე და საშუალო ბიზნესს ინვესტიციები წყალივით და ჰაერივით სჭირდება:

„რა თქმა უნდა, ძალიან კარგი ინიციატივაა, რადგან დღეს ყველაზე მეტად, სწორედ მცირე და საშუალო ბიზნესს სჭირდება საერთაშორისო დახმარება. ვფიქრობთ, პატარა-პატარა ინვესტიციები შემოვა, მაგრამ დიდი რაოდენობით, რაც ძალიან მნიშვნელოვანია. მცირე და საშუალო ბიზნესს ახლა ყველაზე მეტად უჭირს. დიდმა ბიზნესმა, ასე თუ ისე, კრიზისის გადალახვა შეძლო, ხოლო რაც შეეხება მცირე და საშუალო ბიზნესს, რაოდენობრივად, 30%-იანი შემცირება გვაქვს. პრაქტიკულად, ყველა კომპანია, რომელიც დაიკეტა და გაჩერდა, მცირე და საშუალო ბიზნესს წარმოადგენდა. სწორედ ეს კომპანიები უნდა აღდგეს, აღდგენას კი ინვესტიციები სჭირდება“.

საქართველოს ფერმერთა ასოციაციის პრეზიდენტი, ნინო ზამბახიძე, იმავდროულად, „მცირე და საშუალო საწარმოთა ასოციაციის“ სამეთვალყურეო საბჭოს წევრია. „ვერსიასთან“ საუბრისას, ნინო ზამბახიძემ განაცხადა, რომ ყველა განვითარებული ქვეყანა, სწორედ მცირე და საშუალო ბიზნესის განვითარებაზეა ორიენტირებული:

„პანდემიიდან გამომდინარე, ჩვენს ქვეყანას ყველაზე დიდი გამოწვევა, რაც დაუდგა, უცხოური ინვესტიციების შემოღინება, ასევე, მცირე და საშუალო ბიზნესის გადარჩენაა. შესაბამისად, ასეთი გადაწყვეტილებები კრიტიკულად მნიშვნელოვანია ჩვენი ქვეყნისთვის, რადგან მრჩეველი, ვაზილ ჰუდაკი ცნობადი სახეა. როდესაც უცხოელი მენი ქვეყნის ელჩი და თან პრემიერის მრჩეველია, ვფიქრობ, ეს კარგი სიგნალია ევროკავშირისა და ევროპული ქვეყნებისთვის, რომ ჩვენ ვართ პროდასავლური ქვეყანა. ამავდროულად, ჩვენი ინტერესია, უცხოური ინვესტიციები შემოვიდეს ჩვენს ქვეყანაში, რადგან ეს მხოლოდ ეკონომიკას კი არ აჯანსაღებს, ჩვენს უსაფრთხოებასაც უზრუნველყოფს – ჩვენი ქვეყნის 20% ოკუპირებულია რუსეთის მიერ და როდესაც ქვეყანაში უცხოური ინვესტიციები შემოდის, როდესაც ბევრი საერთაშორისო, დასავლური ორგანიზაციები არიან ქვეყანაში ფეხმოკიდებული, ცხადია, უსაფრთხოების უთხიხივად და-ცულები ვართ“.

რა შედეგებით ისარგებლებენ მოიჭარე ფერმერები

მანია მიშელაძე
593-51-90-12

ამიერიდან, მოიჯარე ფერმერები ახალი შედეგებით ისარგებლებენ – მთავრობის გადაწყვეტილებით, შედეგები დაუნესდებათ ფერმერებს, რომლებსაც იჯარით აღებული მიწის გამოსყიდვა სურთ. ეს კი იმას ნიშნავს, რომ ფერმერები, რომლებსაც შედარებით მცირე მიწა იჯარით აქვთ აღებული, ამიერიდან, 25%-იანი ფასდაკლებით შეიძინენ. გადაწყვეტილება 2 000-მდე მოიჯარეს შეეხება.

ამ გადაწყვეტილების მიზანია, გაიზარდოს სასოფლო-სამეურნეო მიწის ხელმისაწვდომობა, რაც თავის მხრივ, ხელს შეუწყობს ეკონომიკის განვითარებასა და დასაქმებას. საქართველოს ეკონომიკისა და მდგრადი განვითარების მინისტრის, ნათია თურნავას განცხადებით, მთავრობის ეს გადაწყვეტილება იმ ფერმერებს გაახარებს, რომლებსაც მიწები იჯარით აქვთ აღებული და მის გამოსყიდვაზე ფიქრობდნენ.

„იმისთვის, რომ გავზარდოთ სასოფლო-სამეურნეო მიწის ხელმისაწვდომობა და საშუალება მივცეთ მოიჯარეებს, უფრო ეფექტიანად გამოიყენონ საკუთარი უფლება – პირდაპირი წესით შეიძინონ მიწები, ამიერიდან, ფერმერები ამას 25%-იანი ფასდაკლებით შეძლებენ. სამხარაულის ბიუროს მიერ შეფასებული ფასიდან, 25%-იანი „დისკაუთი“ დაწესდება, რომლითაც მოიჯარეები ისარგებლებენ. საქართველოში, ასეთი 2 000-მდე მოიჯარეა და საკმაოდ დიდ ფართობებზეა საუბარი. წლებია, ეს ადამიანები ამ მიწებს ამუშავებენ, ამ გადაწყვეტილებით კი, მათთვის მიწების გამოსყიდვა უფრო ხელმისაწვდომი გახდება. გარდა ამისა, მთავრობის ახალი ინიციატივა კერძო ინვესტიციების მოზიდვის შესაძლებლობას კიდევ უფრო მეტად გაზრდის“, – განაცხადა ნათია თურნავამ.

მინისტრმა ისიც აღნიშნა, რომ ხელისუფლების ამოცანაა, არცერთი აქტივი არ გაჩერდეს, მიწა დაუმუშავებელი არ დარჩეს და ყველაფერი, ეკონომიკის აღდგენას, ასევე, მოქალაქეების დასაქმებას მოემსახუროს.

რამდენიმე წლის წინ, მოიჯარეებს, რომლებიც მიწებს ამუშავებენ, მთავრობამ ნება დართო, რომ პირდაპირი წესით, საბაზრო ფასად გამოესყიდათ მიწები. თუმცა თურნავამ იქვე დასძინა, რომ მთავრობის დღევანდელი გადაწყვეტილება, სწორედ ამ მიწების მალალმა ფასმა განაპირობა, რის გამოც მოიჯარეებს მათზე წვდომის სერიოზული პრობლემები აქვთ – სურვილის მიუხედავად, მიწების მალალი ფასის გამო, შეძენას ვერ ახერხებდნენ.



პროგრამა „განახლებული რეგიონების“ ფარგლებში, 63-ვე მუნიციპალიტეტში ტენდერები გამოცხადდება

„ვაკვირდებით ტენდენციას და დავრწმუნდით, რომ ფასები საკმაოდ მაღალია. ბევრ მოიჯარეს ფინანსური შესაძლებლობა არ აქვს, ამ უფლებით ისარგებლოს. სწორედ ამიტომ მივიღეთ ეს გადაწყვეტილება“, – დასძინა თურნავამ.

10 მაისის მთავრობის სხდომაზევე, რეგიონული განვითარებისა და ინფრასტრუქტურის მინისტრმა, ირაკლი ქარსელაძემ პროგრამა „განახლებული რეგიონების“ მიმდინარეობის შესახებ კოლეგებს ინფორმაცია მიაწოდა. მისი თქმით, აქტიურად იმართება სპეციალური კომისიის სხდომები და კონკრეტულ არეალებსაც არჩევენ, სადაც პროგრამით გათვალისწინებული პროექტები უნდა განხორციელდეს. ამ პროგრამის ფარგლებში, მიმდინარე კვირის განმავლობაში, პროექტებისთვის საჭირო ტენდერები საქართველოს 63-ვე მუნიციპალიტეტში გამოცხადდება.

გასული კვირის განმავლობაში, სპეციალური კომისიის წევრები დასავლეთ საქართველოს სხვადასხვა რეგიონში იმყოფებოდნენ, სადაც კომისიის სხდომები

გაიმართა. ირაკლი ქარსელაძის განცხადებით, მუნიციპალიტეტების ჩართულობით, სპეციალური კომისია მათ წინადადებებს იხილავდა, შედეგად კი პროექტების განხორციელების კონკრეტული არეალები დაამტკიცა.

„ვიმყოფებით იმერეთში, რაჭა-ლეჩხუმში, ქვემო სვანეთში, სამეგრელო-ზემო სვანეთში, გურიასა და ბოლოს აჭარაში. ყველგან საინტერესოდ განვითარდა მოვლენები – 34-ვე მუნიციპალიტეტი იყო წარმოდგენილი. პროექტები უშუალოდ ქალაქების მერებმა წარადგინეს და საინტერესო მსჯელობაც გაიმართა, მათ შორის, მდებარეობების განსაზღვრისას. ისეთი მდებარეობები შევარჩიეთ, სადაც, ამ პროგრამის ფარგლებში, სოციალ-ეკონომიკური ვითარება მნიშვნელოვნად გამოსწორდება, კიდევ უფრო გაჯანსაღდება და ახალი შესაძლებლობებიც გაჩნდება“, – განაცხადა ქარსელაძემ.

მისივე თქმით, განსახორციელებელი პროექტების ჩამონათვალი საკმაოდ დიდია, თუმცა ნებისმიერი დაინტერესებული პირი დაინახავს, რამდენად მასშტაბური ობიექტები შეირჩა. პროექტების განსახორციელებლად კი ტენდერი უკვე გამოცხადდა და ეს პროცესი მომავალშიც გაგრძელდება.

„დღეს 7 ტენდერი იხსნება, მაგრამ კიდევ გამოცხადდება და შესაბამისად, პროცესი უწყვეტ რეჟიმში განვითარდება. ტენდერის შედეგად, გვეყოლება საპროექტო და სამშენებლო კომპანიები, რომლებიც ადგილებზე, მუნიციპალიტეტებთან მჭიდრო თანამშრომლობით, წარადგენენ საპროექტო დოკუმენტაციას, რასაც შემდგომში აღვასრულებთ“.

ირაკლი ქარსელაძის თქმით, უახლოეს პერიოდში, მსგავს ტენდერებს აღმოსავლეთ საქართველოს რეგიონებშიც გამართავენ. ეს ნიშნავს, რომ კვირის განმავლობაში, ტენდერები 63-ვე მუნიციპალიტეტში გამოცხადდება. უპრეცედენტო პროგრამა „განახლებული რეგიონები“, რომელიც პრემიერ-მინისტრ ირაკლი ლარიბაშვილის ინიციატივით ხორციელდება, საქართველოს 63 მუნიციპალიტეტს მოიცავს. ამ პროგრამის მხოლოდ პირველი ეტაპის საორიენტაციო ღირებულება 500 მილიონი ლარია. ლარიბაშვილის ინიცირებული პროგრამა ითვალისწინებს რეგიონების ურბანულ განახლებას, რაც სახელმწიფოს, მუნიციპალიტეტისა და კერძო საკუთრებაში არსებული, მნიშვნელოვანი ობიექტის განვითარებას გულისხმობს.



არის თუ არა საქართველოში წინიბურას დეფიციტი

მანია მიშელაძე
593-51-90-12

რუსეთის მთავრობამ წინიბურას ექსპორტი აკრძალა. მიზეზი ისაა, რომ წინიბურა შიდა ბაზრისთვის აუცილებელი პროდუქტების ჩამონათვალში დაამატეს და მისი საზღვარგარეთ ექსპორტი დროებით აკრძალეს. მთავრობის განკარგულების თანახმად, რუსეთიდან წინიბურას ექსპორტი 2021 წლის 5 ივნისიდან აკრძალვდა და ძალაში 31 აგვისტომდე დარჩება. ამავდროულად, გამონაკლისს მხოლოდ იმ შემთხვევაში დაუშვებენ, თუ წინიბურა ჰუმანიტარული დახმარების ნაწილია. 2021 წლის იანვარ-მარტში, 2020 წელთან შედარებით, რუსეთში წინიბურა 39%-ით გაძვირდა, რის გამოც 1 ტონა 571.2 დოლარი ღირს. მართალია, რუსეთიდან წინიბურას ექსპორტი 5 ივნისიდან უნდა აკრძალვოს, მაგრამ საქართველოში ეს პროდუქტი მყიდვერად უკვე გაძვირდა. არადა, წინიბურა სასურსათო კალათის ის ძირითადი პროდუქტია ხორბალთან, შაქართან, ზეთსა და მაკარონთან ერთად, რაც სასიცოცხლოდ აუცილებელია. მეტიც, შარშან, პანდემიის პირველ ეტაპზე, საქართველოს მთავრობის გადაწყვეტილებით, გარემოს დაცვისა და სოფლის მეურნეობის სამინისტრომ სასურსათო კალათის სასიცოცხლოდ მნიშვნელოვანი ის პროდუქტები დაასუბსიდირა, რომლებიც იმპორტის სახით შემოგვაქვს.


საინტერესოა, გვემავს თუ არა სახელმწიფო წინიბურას სუბსიდირებასაც, მით უფრო ახლა, როდესაც მზესუმზირის რაფინირებული ზეთი კატასტროფულად გაძვირდა. სწორედ ამ საკითხების გასარკვევად, „ვერსია“ გარემოს დაცვისა და სოფლის მეურნეობის მინისტრის მოადგილეს, გელა ხანიშვილს დაუკავშირდა.

– ბატონო გელა, რუსეთი წინიბურას ექსპორტს კრძალავს, რის გამოც ეს პროდუქტი საქართველოში უკვე გაძვირდა. პანდემიის გათვალისწინებით, აპირებს თუ არა სახელმწიფო, რომ შარშანდელის მსგავსად, წინიბურა დროებით მაინც დაასუბსიდიროს?

– საქართველო მსოფლიოს განუყოფელი ნაწილია, სადაც პანდემიური სიტუაცია და ეს ცალკეულ სასაქონლო ჯგუფებზე ფასების ცვლილებას, ვარდნას, მატებას, კლებას იწვევს. ის, რაც გასულ წელს, პანდემიის დროს განვახორციელეთ, ძირითადი კონტროლი გახლდათ სახელმწიფოს მხრიდან, რომ აუცილათ გამო, ბაზარზე ამა თუ პროდუქციის დეფიციტი არ შექმნილიყო. როგორც იცით, საქართველოს მთავრობამ ამას წარმატებით გაართვა თავი.

წინიბურასთან დაკავშირებით, პირველივე ინფორმაციის გაუქმებისთანავე, ორ საკითხს გავუსვით ხაზი და ვთქვით: პირველი – იმპორტიორებმა და საქართველოს მთავრობამ ვიცოდით, რომ სხვადასხვა სახის მსჯელობები იმართებოდა რუსეთში, წინიბურას ექსპორტის აკრძალვაზე და ეს ინფორმაცია დაფარული არ ყოფილა, ამიტომ იმპორტიორებმა შესაბამისი მარაგები შემოიტანეს. ამასთან, რუსეთის ბაზრის სხვა ბაზრებით ჩანაცვლებაზეც მუშაობდნენ და ეს მუდმივი პროცესია. შარშანაც მოხდა ანალოგიური შემთხვევა, როდესაც რუსული წინიბურა იმპორტიორებმა ჩინურით ჩანაცვლეს; მეორე – ესაა ემოციური ფაქტორი. პირველივე დღეს გამოვედი და ვუთხარი საქართველოს მოსახლეობას, რომ წინიბურას მარაგები არის, იმპორტი გადაეწყობა ახალ ბაზრებზე და შედეგად, ახალი საფასო პოლიტიკა გვექნება, რასაც განსაზღვრავენ იმპორტიორები და სავაჭრო ქსელი. კარგად იცით, რომ ფასებს მოთხოვნა-მიწოდება განსაზღვრავს და არა – სახელმწიფო.

ამდენად, კარგად მესმის, რომ თუ ზედმეტი აუცილათ შეიქმნება, შესაძლოა, ამას ფასების გარკვეული კორექტირება მოჰყვეს. წინიბურასთან დაკავშირებით იმპორტიორებმაც განაცხადეს, რომ მარაგები არის. ამასთან, დადასტურეს, რომ მუშაობენ სხვადასხვა



გაძვირდება თუ არა იმპორტირებული ხორბალი – ინტერვიუ სოფლის მეურნეობის მინისტრის მოადგილესთან

ქვეყნებთან და საქართველოს მთავრობის გადაწყვეტილება, სწორედ „ქართული ოცნების“ ხელისუფლებაში მოსვლის შემდგომ ის არის, რომ ბაზარი რეალურად თავისუფალია. ძალიან ბევრი იმპორტიორია, რომელსაც ხელეწიფება, რომ მსოფლიოს სხვადასხვა ქვეყნიდან შემოიტანონ ნებისმიერი პროდუქცია, მათ შორის, წინიბურა.

სხვათა შორის, უნდა აღვნიშნო, რომ წინიბურას ექსპორტი რუსეთს გუშინ და დღეს არ აუკრძალავს, ოფიციალური განაცხადის მიხედვით, ამ პროდუქტის ექსპორტი 2021 წლის 5 ივნისიდან უნდა აკრძალვოს. ეს ნიშნავს, რომ აკრძალვამდე, რუსეთიდანაც თავისუფალ რეჟიმში იყიდება წინიბურა და შესაბამისად, იმპორტიორებს საშუალება აქვთ, მარაგები წამოიღონ. ამასთან, წინიბურას ახალ მოსავლამდე რამდენიმე თვე დარჩა – ახალი მოსავალი კი, ახალ საფასო პოლიტიკას ჩამოაყალიბებს. ამდენად, ამ ეტაპზე, მარაგებთან დაკავშირებით, შიში არ გვაქვს, ეს პროდუქტი ბაზარზე იქნება და საფასო პოლიტიკაც იმის მიხედვით ჩამოაყალიბდება, მსოფლიოს რომელი ქვეყნიდან შემოიტანენ იმპორტიორები წინიბურას, როგორი იქნება მისი სასტარტო ფასი და ლოგისტიკური ხარჯები.

სამწუხაროდ, ძალიან ბევრ პროდუქციას და მათ შორის ზეთს, პანდემიამ მძიმე დაღი დაასვა – ეს პროდუქტები გაძვირდა, მაგრამ არსებობს ცალკეული სახის პროდუქცია, რომელიც ბევრად იაფია. მაგალითად, ქართველი ფერმერები ნუხილით აცხადებენ, რომ მათი პროდუქცია ბაზარზე ძალიან იაფია, ამ შემთხვევაში, კარტოფილს, კომბოსტოსა და ზოგადად, ბოსტნეულს ვგულისხმობ. გასულ წელთან შედარებით, ეს პროდუქტები მკვეთრად გაიაფებულია, რაც გარკვეულწილად, მომხმარებელს დაეხმარება, რომ ზოგადად, თავის კალათში, გაძვირებული იმპორტირებული პროდუქცია, გაიაფებული ადგილობრივი პროდუქციით დააბალანსოს.

– ალტერნატიული ბაზრები ახსენეთ და ბრძანეთ, რომ შარშან, იმპორტიორებმა წინიბურა ჩინეთიდან შემოიტანეს. თუ გაქვთ ინფორმაცია, ჩინეთის გარდა, კიდევ რომელი ქვეყნების ბაზრებზე მუშაობენ შემომტანები?

– ვინ რომელ ქვეყანასთან მუშაობს, ამის თქმა გავიჭირდება, მაგრამ ზოგადად, წინიბურა აღმოსავლეთ და ცენტრალური აზიის კულტურაა. შესაბამისად, ეს ქვეყნები არიან ძირითადი მწარმოებლები და ბუნებრივია, იმპორტიორები, სწორედ ამ ქვეყნებთან დაამყარებდნენ კავშირს. ამასთან, წინიბურას მწარმოებელია უკრაინაც, თუმცა ბიზნესი თავისუფალია, სახელმწიფო არ ერევა, რომელი ბიზნესოპერატორი რომელი ქვეყნიდან განახორციელებს იმპორტს. სხვათა შორის, იმპორტიორებმა განაცხადეს, რომ წინიბურას ექსპორტის აკრძალვამდე, რუსეთთან მუშაობას და იქიდან ამ პროდუქტის შემოტანას გააგრძელებენ, მაგრამ პარალელურად, სხვა,

ალტერნატიულ ბაზრებზეც გადაერთვებიან. ამასთან, წინიბურას ახალი მოსავლის პროგნოზიც საკმაოდ მაღალია და შესაბამისად, საფასო პოლიტიკაც შეიცვლება.

ზოგადად, ადამიანები ემოციურები ვართ და ამის გამო, ხშირად, ხელოვნური აუცილათ იქმნება. შესაბამისად, თუ წინიბურასთან დაკავშირებით, ხელოვნური აუცილათ არ შეიქმნება, არ გვაქვს მოლოდინი, რომ ბაზარზე გაუთვალისწინებელი რამ მოხდება. წინიბურას მოხმარება თვეში 300 ტონის ფარგლებშია და ეს მარაგები მუდმივად ივსება – არის კონტრაქტები, შემოდის პროდუქცია ანუ მარაგი სანაწობშიცა და სავაჭრო ქსელშიც.

– ბატონო გელა, სამომხმარებლო კალათში არსებული სხვა იმპორტირებული და სასიცოცხლოდ მნიშვნელოვანი პროდუქტები ხომ არ გაძვირდება?

– ამასთან დაკავშირებით, ერთადერთი ინფორმაცია ისევ რუსეთიდან გვაქვს, ვგულისხმობ ხორბლის იმპორტს. თქვენ იცით, რომ რუსეთში შემოიღო საქსპორტო გადასახადი. წინიბურაც, ხორბალიც და ბევრი სხვა კულტურაც რუსეთიდან შემოდის იმის გამო, რომ მათი ლოგისტიკა – მარტივი, ფასები კი დაბალია. თუმცა თუ რუსეთი სხვადასხვა შეზღუდვებს დაანესებს საკუთარი ექსპორტიორებისთვის, რის გამოც პროდუქცია მკვეთრად გაძვირდება, ამ შემთხვევაში, ალტერნატიულ ბაზრებზე დავიწყებთ ზრუნვას. ეს ეხება ხორბალსაც ანუ თუ რუსეთი იგივე პოლიტიკას გააგრძელებს და ამ პროდუქტის ფასი იმაზე ძვირი აღმოჩნდება, ვიდრე ალტერნატიულ ბაზრებზეა, ბუნებრივია, ქართველი იმპორტიორები ალტერნატიულ ბაზრებზე გადაერთვებიან.

– კონკრეტულად, რომელ ბაზრებს გულისხმობთ?

– ხორბლის შემთხვევაში, ალტერნატიული ბაზრებია ევროპული ქვეყნები: საფრანგეთი, რუმინეთი. გარდა ამისა, შეიძლება იყოს აშშ და კანადა. დღეს ფასთა სხვაობა, რითაც რუსული ხორბალი უფრო იაფად შემოდის საქართველოს ბაზარზე, დაკომპენსირდა საქსპორტო გადასახადით და იმაზე უფრო მეტად გააძვირა, ვიდრე დავეუშვათ, კანადაში ნაყიდი ხორბალი ჩამოვა საქართველოში, ბიზნესი კანადაზე გადაერთვება. მარტივად რომ ავიხსნათ, თუ კანადაში იმაზე უფრო იაფი იქნება ხორბალი, ვიდრე რუსეთშია, ცხადია, ბიზნესი კანადურს იყიდის.

გიმორებით, საქართველო ღია, თავისუფალი საბაზრო პოლიტიკის ქვეყანაა, სადაც თავისუფალი ვაჭრობაა. ხელშემწყობი პირობებია ექსპორტიორებისთვის, მაგრამ არც იმპორტიორებს აქვთ ბარიერები, ამიტომ ქართველი იმპორტიორები თამამად ვაჭრობენ მსოფლიოს ბევრ ქვეყანასთან, ეძებენ სწორ, ალტერნატიულ და ეფექტურ გზებს. დღემდე, სწორედ იმის გამო, რომ ბიზნესი თავისუფალია, პრობლემები არ ყოფილა და იმედია, მომავალშიც ასე გაგრძელდება.

„ამის წაკითხვა ძნელია, მაგრამ...“

თათია გოჩაძე
598-43-50-34

ვაქცინაციის პროცესში მთავრობის წარმომადგენლები ერთვებიან. ქვეყანაში ჩინური ვაქცინა „სინოფარმით“ აქტიური ვაქცინაცია მიმდინარეობს. მიმდინარე ეპიდეოლოგიაზე „ვერსია“ ჯანდაცვის კომიტეტის თავმჯდომარის მოადგილე ლადო პახიძის ესაუბრა.

– ბატონო ლადო, ამას წინათ თქვით, რომ საქართველოში, კორონავირუსის ინდური შტამი დაფიქსირდა, თუმცა ამირან გამყრელიძემ ეს ინფორმაცია უარყო. ინდური შტამის არსებობაზე განცხადება რაზე დაყრდნობით გააკეთეთ?

– ამირან გამყრელიძემ თქვა, ლაბორატორიულად, კორონავირუსის ინდური შტამი საქართველოში არ დადასტურებულა, თუმცა ინდური შტამის არსებობის ალბათობა არსებობსო. ეს არის გონიერი, გამოცდილი, განათლებული ექიმის სიტყვები, რაც ვერ გამორიცხავს იმ რეალობას, რომ თურქეთში არის ინდური შტამი. ამასთან, ინდოეთის მოსახლე მხოლოდ ინდოეთიდან კი არ შემოდის, შეიძლება, სხვა ქვეყნიდანაც შემოვიდეს, ამიტომ ამ ალბათობის დაშვება სწორია. მეც ზუსტად ამ კონტექსტში ვსაუბრობ, როცა ვამბობთ, რომ უნდა გამკაცრდეს ინდოეთიდან შემომსვლელთა კონტროლი და ორკვირიანი კარანტინი დაწესდეს. ამის გამართლება ზუსტად ესაა, რომ პრევენცია მოვახდინოთ. ყველა ეს შტამი ერთმანეთისგან განსხვავდება გავრცელების სიჩქარით და ინდური შტამი გაცილებით სწრაფად ვრცელდება, ვიდრე ბრიტანული.

ვთხოვ, რომ კი არ გავამკაცროთ, არამედ, მკაცრად დავიცვათ რეგულაციები – პირბადე, დისტანცია, თავყრილობების აცილება – ყველაფერ ამაზე გავაკეთოთ პრევენციული განცხადება. ჩემს მეგობრებს, რომლებსაც ვენდობი, ვეკითხები ყველაფერს, ლაბორატორია და ლაბორატორიული მონაცემები არ მაქვს, მე მხოლოდ ალბათობა დავუშვი.

– „სინოფარმი“, რომლის ვაქცინაციაშიც დღეს მთავრობის წარმომადგენლები ჩაერთნენ, მოქმედებს თუ არა ჩინურ, ბრიტანულ და სხვა ახალ შტამებზე?

– მსოფლიოში 175 ქვეყანა აქტიურადაა ჩართული ვაქცინაციის პროცესში და ყველა მეცნიერი ერთსა და იმავეს ამბობს. ენტონი ფაუჩიმ, იცით, რა თქვა? – საუკეთესო ვაქცინა ისაა, რომელსაც გაიკეთებო. ნებისმიერი ვაქცინის დედაარსი, ნებისმიერი შტამის დასუსტებაა, რაც ნიშნავს, რომ თუ ვირუსით დასნებოვნდები, ჰოსპიტალიზაცია ან რეანიმაციაში მოხვედრა არ დაგჭირდეს, მაგრამ რაც ყველაზე მთავარია, ლეტალობა შემცირდეს! ხარისხით ერთმანეთისგან ცოტა განსხვავდება, მაგრამ სიცოცხლეს იცავს, რაც საერთო აქვთ.

„ასტრაზენეკა“, რომლითაც მე და ჩემი ოჯახი ავიცერით, ჩემს ასაკს შეეფერება, გვითხრეს, 55 წელს ქვემოთ ნუ გაიკეთებთ ამ ვაქცინასო. ამ დროს, ჩინურ



ლადო კახიძე ეპიდეოლოგიაზე და პანდემიის დამარცხების გზებზე

ვაქცინა „სინოფარმს“ ასაკობრივი შეზღუდვა არ აქვს და მინდა, დიდი მადლობა ვუთხრა ახალგაზრდებს, რომლებმაც წინ გაიხედეს, გონიერი და პრაქტიკული გადაწყვეტილება მიიღეს – საკუთარი და სხვისი ჯანმრთელობის დაცვა გადაწყვიტეს და ამასთან, პოსტკოვიდურ პერიოდზე ფიქრობენ, მათ აქტიურობას მივესალმები.

მზადდება დოკუმენტი, პრაქტიკულად, გამზადებულია, რომელიც სერტიფიკატს ანუ უსაფრთხოების ნებართვას გულისხმობს. თუ აცრილი ხარ და გაქვს ამის დამადასტურებელი დოკუმენტი, უსაფრთხო ხარ, როგორც სტუმარიც და მასპინძელიც. ჩვენთვის ყველაზე მტკივნეულია ტურიზმის სფერო, რომელმაც უდიდეს დარტყმა მიიღო. 2019 წელს, სამჯერ მეტი სტუმარი გვყავდა, ვიდრე მოსახლეები ვართ, ეს შესაშური პოტენციალი გვაქვს და ამიტომ იყო შეთავაზება ტურიზმით დაკავებული ადამიანებისთვის. ვნახეთ, როგორ კარგად გამოეხმაურა ეს სექტორი – ერთი სული აქვს, აიცრას, სრულ მზადყოფნას გამოთქვამს. ბევრს საზღვარგარეთ აქვს საქმე და მოტივაცია იზრდება, რადგან საზღვარი გაეხსნება და უსაფრთხოდ დახვდებიან. ეს არის კარგი მოტივაცია, რასაც მივესალმები და მადლობა NCDC-ს, რომელმაც მოამზადა დოკუმენტი და განხილვის საფუძველი გახდება ცოტა ხანში.

– ბატონო ლადო, საქართველოში ინფიცირებულთა რიცხვი იზრდება. ეს ნიშნავს, რომ პანდემიის მესამე ტალღა უკვე მიმდინარეობს, არა?

– დედამინაა მესამე ტალღაში და ჩვენც ვართ.
– ზაფხული, თქვენი პროგნოზით, როგორი გვექნება?
– როგორც ხედავთ, საუბრის დროს, პოლიტიკური ვუალი მოცილებული მაქვს, არ მინდა, ვინმეს ოპონირება გაუწიო. მინდა, ყველა დაირაზმოს ამ თემის გარშემო, დადებითი შედეგის მისაღებად.

ჩვენ გადავიარეთ ტალღა, როცა დღიური მაჩვენებელი 5000 იყო და გვახსოვს, რამდენს გვიკვირებდნენ, სისტემა ჩამოიშლებაო. ასე არ მოხდა, გაუძლო სისტემამ ამ გამოწვევას და დიდი მადლობა მინდა ვუთხრა ყველა ექიმს, ექთანს, სანიტარს და რაც მთავარია, ორგანიზატორებს. ინდოეთში ჩვიან, ისეთი ტალღაა, უანგბადი არ გვყოფნისო. ჩვენ კი დღესაც მობილიზებული გვაქვს, მაგრამ სულ ვამბობ – ნუ გამოვცდით ბედს, ჩვენი მიზანია, გამოცილებული გავიზიაროთ და გამოვიდეთ ამ მდგომარეობიდან წარმატებულად. შარშან, ცოტა ადრე დავიჯერეთ, რომ კოვიდს ვაჯობეთ და ამან ცოტა გაგვირთულა სიტუაცია. ახლა კი დიდი თხოვნა მაქვს, ერთმანეთს ნუ გავეჯიბრებით და ეს ჯიბრი ვირუსის სასარგებლოდ არ ვაქციოთ, ამიტომ ის რეგულაციები, რომლებიც გვაქვს, კი არ გავამკაცროთ, არამედ, მკაცრად დავიცვათ. ჯერ ექიმი ვარ და მერე – პოლიტიკოსი, ამიტომ ადამიანებს ვურჩევ... ვიცი, რომ ძალიან დიდი დისკომფორტის შემქმნელია, მაგრამ პირბადე არის უმთავრესი დამცველი, ამასთან, სოციალური დისტანცირება, ხელის ჰიგიენა და თავმჯერის ადგილებიდან თავის არიდება.

ძნელია ახალგაზრდებისთვის ამის წაკითხვა, მაგრამ სხვა გამოსავალი არ არსებობს. თუ ამ რეგულაციებს მკაცრად დავიცავთ და ვაქცინაციას ფართო ფრონტით გავშლით, საიმედო ნაბიჯები იქნება და ამის ცოცხალი მაგალითი გვაქვს – ისრაელი. მწვანე დოკუმენტი გახდება საფუძველი, რომ უსაფრთხო იქნები ქვეყნის შიგნით და გარეთ.

ჩვენ ყველანი ვართ ქვეყანა და უნდა მოვბილიზდეთ დიდ-პატარა ისე, როგორც ისრაელში მოხდა, რომ ეს თემა დავძლიოთ და გავხდეთ სამაგალითო. ჩვენ ეს შეგვიძლია.



პატიმარი №0578

სანამ საქართველოს პატრიარქი ილია მეორე გახდებოდა, მთელი ქვეყნის მასშტაბით, დაახლოებით, ოთხი ათეული ეკლესია-მონასტერი ფუნქციონირებდა. მას შემდეგ კი, რაც სათავეში ეკლესიის დღევანდელი საჭეთმპყრობელი მოვიდა, ნელ-ნელა ყველაფერი დალაგდა და ეკლესია იქამდე მივიდა, სადაც დღეს ვართ – პრაქტიკულად, არ არსებობს სოფელი, ეკლესია რომ არ ფუნქციონირებდეს და თითქმის ყველა მონასტერში სამონასტრო ცხოვრება არ ჩქეფდეს. ადრე ასე არ იყო – საუკეთესო შემთხვევაში, მონასტრის კარი უბრალოდ გამოხურული გახლდათ. უარეს შემთხვევაში კი, ის გარეული თუ შინაური ცხოველების სადგომი იყო. უფრო მეტიც, იყო რამდენიმე მონასტერი, სადაც კელიები ჩვეულებრივ, საცხოვრებელ ფართებად ჩამოარიგეს, სადაც ადამიანები (ძირითადად მარტოხელები) ცხოვრობდნენ და ყოველგვარი ლოცვისა თუ საეკლესიო რიტუალების გარეშე არსებობდნენ, ჰქონდათ საკუთარი მეურნეობა, კელიებში იდგა შუშის ღუმელი, მაგიდა, მცირე სამზარეულო...

იყო შემთხვევები, როცა საცხოვრებლად გაცემულ კელიებში ცხოვრობდნენ ადამიანები, რომლებიც ფარულად საეკლესიო ცხოვრებას ეწეოდნენ, მარხულობდნენ, ლოცულობდნენ... სწორედ ერთ-ერთი ასეთი მლოცველი, 92 წლის ქალი იპოვეს გარდაცვლილი „მეზობლებმა“ და მილიციაში დარეკეს.

1979 წლის გაზაფხული იდგა.

„რომ არა მონასტრის ტერიტორია, სამინისტრო ამ საქმეს პირად კონტროლზე არ აიყვანდა, მაგრამ იმის გამო, რომ ხალხში მითქმა-მოთქმა არ დანყებულყო, საქმის უმოკლეს ვადებში გამოძიება დაგვავალეს, თანაც უშიშროების კომიტეტიდან ცნობა მოვიდა, გარდაცვლილზე ამბობდნენ, სამონასტრო განძს მიაგნო და მისი მცველი იყო. სამონასტრო განძი, პრაქტიკულად, ყველა მონასტრის ლეგენდა იყო. ყველგან საუბრობდნენ, რომ კომუნისტების მოსვლის შემდეგ, ეკლესიის ქონება, ძირითადად, მოოქროვილი ხატები გადაამალეს და მათ ძებნაში არაერთი ეკლესიისა თუ მონასტრის ეზო იყო გადათხრილი. რეალურად კი, განძი ვერავინ იპოვა. ამიტომ, ჩვენს წარმოდგენაში, ეს მხოლოდ მითი იყო და განძი არ არსებობდა. თუ არსებობდა, გატანილი ექნებოდათ ბოლშევიკებს, რადგან სწორედ მათ დროს გაიძარცვა ეკლესია-მონასტრები“, – გვიყვება საინტერესო ისტორიას პოლიციის გადამდგარი პოლკოვნიკი, ბატონი თენგიზი.

შეიძლება ითქვას, ქალი ძვლებში იყო დამტვრეული. სიფრიფანა, 40 კილოგრამიც ვერ იქნებოდა, ამიტომ გამოძიებას დარჩა შთაბეჭდილება, რომ გაგუდვის დროს, ქალს ტანზე დაანვინენ და ძვლებიც ამ დროს გაუტყდა. კელია საგულდაგულოდ იყო გაჩხრეკილი, თუმცა რისი წაღება შეეძლოთ ქურდებს, გამოძიებლებს წარმოდგენაც არ ჰქონდათ. სამეზობლომ უთხრა, ამ ქალს შვილიშვილი აკითხავდა, იმას ეცოდინებოდა ნივთების ჩამონათვალი და სამართალდამცავებმაც შვილიშვილ გოგონას მალე მიაგნეს.

„ხშირად მქონდა გაგებულები, რომ მონასტერში რაღაც საგანძური იყო, რომელიც ბებიამ შეინახა. რამდენჯერმე ვკითხე კიდეც, მაგრამ ყოველთვის ელიმებოდა, არაფერი მაქვს შენახული და თუ ოდესმე რამე გამოჩნდება, მხოლოდ ღმერთის ნებით. ამიტომ, ყველაფერი ეს ისეთივე მითი მეგონა, როგორც ბევრი სხვა მითი და სერიოზულად არასდროს აღვიქვამდი“, – ეს არის ამონარიდი შვილიშვილის ჩვენებიდან.

სამაგიეროდ, კელიის დეტალურმა ჩხრეკამ აჩვენა,

მკვლელობა კელიაში

განძი, რომლის გამოც 92 წლის ქალი გაგუდეს – მკვლელობის დეტალები



რომ სკივრში არსებულ ქსოვილებზე ოქროს კვალი იყო და კუთხეში ბრილიანტის პატარა თვალის იპოვეს. ეს ამკარად იმის ნიშანი იყო, რომ სკივრში ძვირფასეულობა ნამდვილად ინახებოდა, თუმცა იმავე შვილიშვილის ჩვენებით, სკივრში ბებია წვნიანის ამოსაღებ ჩამჩას ინახავდა და ამბობდა, ჩემთვის ძვირფასი რელიქვიააო. პატიოსან თვლებზე კი მას წარმოდგენაც არ ჰქონდა. გამოძიება მხოლოდ ძარცვის შესაძლებლობას განიხილავდა და ამ მიმართულებით მუშაობდა, თუმცა ხელჩასაჭიდი არაფერი ჰქონდა.

როცა მკვლელობა მოხდა, მონასტრის ტერიტორიაზე არავინ იმყოფებოდა ერთი, ასევე, ღრმად მოხუცი ქალის გარდა, რომელსაც დუმილის ალტქმა ჰქონდა დადებული – არაფერს ამბობდა და არავის არაფერზე პასუხობდა. იყო იმის შანსი, რომ მას მკვლეელი დაენახა, თუმცა გამოძიებლების კითხვებზე მხოლოდ შორს, სივრცეში იყურებოდა და რეაქცია არ ჰქონდა.

„ალარ ვიცოდი, რა მექნა, ამიტომ დახმარებისთვის საპატრიარქოს მივმართე. საქმის არსი ავუხსენი და ვუთხარი, რომ იქნებ, რომელიმე ეპისკოპოსისთვის ეთქვა მოხუცს ისეთი რამ, რაც გამოძიებას წაადგებოდა. ეპისკოპოსები მოხუცმა იგივე პასუხით გამოსტუმრა, როგორც ჩვენ, თუმცა ისევ სასულიერო პირებმა მირჩიეს, მისი მოძღვარი ნახე, ეგებ, იმას უთხრას რამეო. მოძღვარი მალე ვიპოვე“, – იხსენებს ბატონი თენგიზი.

მოძღვარმა გამოძიებელს ყურადღებით მოუსმინა და უთხრა, თუ თავად არ მოისურვებს, მე ალტქმის დარღვევას ვერ დავაძალებო და ისიც დააყოლა, სამი წელი დარჩა დუმილი და მერე, თუ რამე დაინახა, მოყვებაო. რა თქმა უნდა, სამი წელი გამოძიება ვერ დაიცვინა და ამიტომ, იმ ადამიანების შესწავლა დაიწყო, ვინც ასე თუ ისე, მოხუცთან რაიმე ურთიერთობაში იყო. დიდი შედეგი არც ამან მოიტანა, ერთი ხელოსანი მიდიოდა, რომელიც შიდა საქმეებში ეხმარებოდა, ხან ლურსმანს მიუჭედებდა, ხან დანას გაულესავდა, თუმცა ამას უანგაროდ არ აკეთებდა, ხან სამ მანეთს ართმევდა, ხან – ხუთს. დაკითხვაზე ხელოსანმა უდარდელი პასუხები გასცა, იმ სოროში ტყუილად რატომ უნდა შევსულიყავი, კვირაში ერთხელ მივდიოდი, თუ რამე ჰქონდა გასაკეთებელი, ვაკეთებდი, თუ არადა, უკან მოვდიოდი. იმ დღესაც უწევდა ვიზიტი, როცა ქალი მოკლეს, მაგრამ როცა მივიდა, ადგილზე უკვე სამართალდამცავები დახვდნენ და უკან გაბრუნდა.

ეს ძაფიც განწყდა, თუმცა...

„არ ვიცი, ახლა როგორ არის, მაგრამ მაშინ შს სამინისტროში გენიოსები მუშაობდნენ. ისეთ რამეებს მოიფიქრებდნენ, რიგით მოკვდავებს რომ არ შეეძლოთ.

სწორედ სამინისტროში დამიბარეს და ის გეგმა გამაცნეს, რომლითაც უნდა შემოქმედო. მეორე დღეს, ყველა აგენტი ყველა კუთხეში საუბრობდა, რომ მკვლეელი იმ მოხუცმა დაინახა, რომელსაც დუმილის ალტქმა ჰქონდა დადებული და გამოძიება ახლა სწორედ მას ელოდა. ჩვენს მიერ გავრცელებული ინფორმაციით, დუმილის ალტქმის ვადა ექვს დღეში იწურებოდა. რატომ ექვს დღეში? – სამი დღე ბანალურად ჟღერდა, ერთი კვირა – არარეალურად, შეიძლებოდა ეჭვი განჩინილიყო, აი, ექვსი დღე კი ექვსი დღე იყო“, – გვიყვება ბატონი თენგიზი.

ამბის გახმაურებისთანავე, სამართალდამცავებმა ჩასაფრება მოაწყვეს და მშვიდად ელოდნენ, როდის გამოჩნდებოდა მკვლეელი. ის, მართლაც, გამოჩნდა, ოღონდ მესამე დღეს და კინალამ მორიგი მკვლელობა ჩაიღინა. საქმე ის გახლდათ, რომ ოპერმუშაკებმა მასზე ეჭვი ვერ მიიტანეს და მშვიდად მისცეს შესაძლებლობა იმ ოთახში შესულიყო, სადაც მოხუცი ცხოვრობდა.

„მესამე დღეს, ის ხელოსანი გამოჩნდა, ჰარიჰარად მიდიოდა და ოთახშიც ისე დააკაკუნა, თითქოს საკუთარ სახლში იყო. ჩვენ მეორე ოთახის ჭუჭრუტანიდან ვუყურებდით და მშვიდად ვიყავით. ქალმა კარი გააღო, ჭუჭრუტანას მოვცილდით და ამ დროს ხმაური გავიგონეთ, ისევ გავიხედე და ქალი სტუმარს ოთახში არ უშვებდა, ის კი ძალით ცდილობდა შესვლას. მაშინვე გამოვედით სამალავიდან, კაცს ხელები ამოვუგრიხეთ, ქალს ვკითხე – ეს არის-მეთქი და უხმოდ დამიქნია თავი. ახლა უკვე ჩვენი საქმე იყო, მას როგორ გამოვტყუავდით“, – გვიყვება ბატონი თენგიზი.

ხელოსნის სახლის ჩხრეკამ გამოძიებას ვერაფერი მისცა, თუმცა მისი სამსახურის ჩხრეკის შემდეგ, ის ჩამჩა იპოვეს, რომელიც მოკლულის ოთახიდან იყო გამქრალი. ექსპერტმა დასკვნა დადო – ჩამჩა ოქროსია.

„ვიცოდი, რომ ამ მოხუცს რაღაც ნივთები ჰქონდა ნაპოვნი. როცა მასთან მივდიოდი, მუდმივად ვცდილობდი, სახლი გამეჩხრიკა. ეს ჩამჩა როცა ვნახე, მივხვდი, ოქროსი იყო, ხელოსანი ვარ, მეტალს ვცნობ. დავრწმუნდი, რომ განძი მასთან ინახებოდა და იმ დღეს ცოტა ადრე მივედი. როცა ვგუდავდი, ნაიქცა და ზედ დავეცი, მერე ყველაფერი გადავატრიალე, მაგრამ ჩამჩის გარდა, ვერაფერი ვიპოვე“, – განუცხადა გამოძიებას დაკავებულმა.

ამის შემდეგ, გარდაცვლილის კელია უშიშროების სამსახურმა აგურ-აგურ დაშალა, მაგრამ ვერაფერს მიაგნეს. ერთი ეგ იყო, იატაკის ქვემოთ, სატელეფონო ხაზები გადიოდა და პრაქტიკულად, მთელ მონასტერს მოიცავდა. ვინ და რისთვის გაიყვანა ეს ხაზები, დღემდე გაურკვეველია, ხელოსანს კი მკვლელობისთვის 11 წლით თავისუფლების აღკვეთა მიუსაჯეს.

„ობეხე“, რევიზორი, ცენტრალური შემონმება – ეს ის სიტყვებია, რომლებიც კომუნიზმის დროს, მაღალჩინოსნებს შიშის ზარს სცემდა. შემონმების ყველას ეშინოდა, რადგან რეალურად, არ არსებობდა ერთი დაწესებულება, სადაც ვინმე რამეს არ იპარავდა და სადაც გეგმა მხოლოდ ქალაქზე არ სრულდებოდა. შემთხვევების აბსოლუტური უმრავლესობა მსუყე ქრთამით სრულდებოდა, მაგრამ იყო შემთხვევები, როცა გეგმის შესასრულებლად, თუ სხვების დასანახად, ვიღაცებს ციხისთვის იმეტებდნენ და თუ განსაკუთრებით დიდი ოდენობის თანხაზე იყო საუბარი, საბჭოთა სასამართლოსთვის არც დახვრეტის მუხლი იყო უცხო.

ჰოდა, ხომ წარმოგიდგენიათ, რა ქაოსი დაიწყებოდა, როცა ერთ მშვენიერ დღეს, შემონმება იმ ბაზას დაადგა, სადაც მზადებას სპორტსმენები გადიოდნენ. ისინი იქ, პრაქტიკულად, რამდენიმე კვირის განმავლობაში ცხოვრობდნენ – ჭამდნენ, ეძინათ, ვარჯიშობდნენ.

სადაც კვების ობიექტია, იქ ფული ყოველთვის „კეთდება“, ამას დაუმატეთ სპორტული ტანისამოსი, ინვენტარი და ლოგიკურად მივალთ იქამდე, რატომ შეუფოთდა ან შეწუხდა ყველა. მით უმეტეს, ორი რევიზორიდან, ორივეს მოუსყიდავის სახელი ჰქონდა. ქალი და კაცი ცალ-ცალკე დააბინავეს, ერთი კვირის შემდეგ, ისინი დირექტორის კაბინეტში მივიდნენ და პირდაპირ თქვეს, რომ დასკვნა ძალიან ცუდი იქნებოდა, დირექტორი კი ციხისთვის უნდა მომზადებულიყო.

„მოკლედ რომ გითხრა, იმ ბაზაზე იყო საუნას ტიპის აბანოც, სადაც ეს კაცი დაპატიჟეს, აქაოდა, წასვლამდე, ორგანიზმს გაიკაჟებოთ. ბაზა აჭარისკენ იყო, გარეთ თოვლი, საუნაში – სითბო და ორთქლი და კაც-მაც უარი არ თქვა. როდესაც ოთახიდან არ გამოვიდა, კარი შეაღეს და გარდაცვლილი იპოვეს. რა თქმა უნდა, მაშინვე მილიციაში დარეკეს, ადგილზე აჭარელი სამართალდამცავები მივიდნენ, თუმცა რევიზორის მკვლელობა მარტივი დანაშაული არ იყო და ამიტომ, საქმე თბილისს გადასცეს. ჩვენი მოთხოვნით, გვამს ხელი არ ახლეს, ექსპერტიც აქედან წავიყვანეთ და აჭარაში წავედით“, – იხსენებს ზღვისპირეთში, 80-იანი წლების დასაწყისში მომხდარ რეზონანსულ მკვლელობას პოლიციის გადამდგარი პოლკოვნიკი, ბატონი თენგიზი.

ყველაზე უცნაური ის გახლდათ, რომ ექსპერტი ვერც პირველადი დათვლიერების და ვერც სრულყოფილი ექსპერტიზის შემდეგ ვერ მიხვდა, რა იყო მკვლელობის იარაღი. გარდაცვლილს ყელთან, ხორხის ქვემოთ, ერთადერთი შემავალი ჭრილობა ჰქონდა. ჭრილობა, სავარაუდოდ, მრგვალი ფორმის მყარი საგნით მიაყენეს, მაგრამ ეს არ იყო არც ხე, არც – რკინა, არც – პლასტმასი ანუ შესაბამისი კვალი არაფერმა დატოვა და ექსპერტს პირი ჰქონდა დაღებული, ასეთი რამ პრაქტიკაში არ მქონია, გვიამბობს ბატონი თენგიზი.

იმ ოთახის დათვლიერების დროს, სადაც მკვლელობა მოხდა, ექსპერტმა თმის ორი ღერი იპოვა, ორივე გრძელი და შეღებილი. ცხადი გახლდათ, 55 წელს გადაცილებულ რევიზორს, აბანოში ქალი ჰყავდა და გამოძიებამ ეჭვი მის მენყვილეზე მიიტანა. მით უმეტეს, თმის ფერი აშკარად ემთხვეოდა, მაგრამ ექსპერტიზამ აჩვენა, რომ თმა მეორე რევიზორის არ იყო.

ყველაფერი თავდაყირა მას შემდეგ დადგა, რაც რევიზორის ცოლმა ჩვენება მისცა, გამორიცხულია, მას ქალი ჰყოლოდა, რადგან ორი წლის წინ, რაღაც უცნაური დაავადება გადაიტანა, რის შემდეგაც ქალთან ურთიერთობა აღარ შეეძლო, მე ის ძალიან მიყვარდა და ამის გამო დაშორება არც მიფიქრია, თანაც რაღა დროს ჩვენი ეგეთები იყო, 60 წელს მივუყაკუნეთო.

„საერთოდ დავიბენით. თუ რევიზორს ქალთან ურთიერთობა არ შეეძლო, რა უნდოდა ქალს მის ოთახში და თანაც, ხომ ლოგიკური იქნებოდა, რომ ოთახში, სადაც ორთქლის აბაზანებს იღებდნენ, ქალიცა და კაციც, მაქსიმუმ, ზეწრებით იქნებოდნენ? იყო კიდევ

მოჭიდავემ საუნაში რევიზორი მოკლა



გახმაურებული საქმის დღემდე უცნობი დეტალები

ერთი საყურადღებო ფაქტი – ბაზის ტეროტორია დახურული გახლდათ ანუ იქ სპეციალური საშვის გარეშე, ვერავინ მოხვდებოდა და გარედან ქალის შემოყვანა, პრაქტიკულად, შეუძლებელი იყო. ამას დაამატეთ ისიც, რომ ყველაზე მეტად, რევიზორის სიკვდილი დირექტორს აწყობდა, მაგრამ ცოცხალი იყო მეორე რევიზორი, რომელიც დასკვნას ნამდვილად არ შეცვლიდა. აქედან გამომდინარე, ბაზის დირექტორი დავკითხეთ“, – გვიყვება ბატონი თენგიზი.

დირექტორის დაკითხვამ მხოლოდ ის გამოაშკარავა, რომ ბაზაზე ფინური საუნის მოწყობა მისი ინიციატივა არ იყო და ამის გაკეთება ზემოდან უბრძანეს. მისივე თქმით, არცთუ იშვიათად, საუნას აჭარელი მაღალჩინოსნები სტუმრობდნენ იმის იმედად, რომ იქ სხვა ვერავინ შევიდოდა და მშვიდად ატარებდნენ დროს. არ იყო აუცილებელი, მაინცდამაინც ქალები მიეყვანათ, უბრალოდ, სამკაცო მიდიოდა, ორთქლის აბაზანებს იღებდა, ქეიფობდა... დირექტორმა ისიც თქვა, აქ ისეთი ადამიანები მოდიან, რევიზორის მკაცრი დასკვნის ნამდვილად არ მეშინოდა და მას მოსაკლავად არ გავიმეტებდი, თუ გავიმეტებდი, მეორესაც მივაყოლებდი, რადგან ერთის სიკვდილით, ხეირი არ მექნებოდაო. რაოდენ მწარეც უნდა ყოფილიყო მისი სიტყვები, დირექტორი სიმართლეს ამბობდა. ასევე, იმასაც ამტკიცებდა, გამორიცხულია, ჩემი ნებართვის გარეშე, ქალი გარედან შემოსულიყო, თუ ვინმე მასთან ერთად აბაზანას იღებდა, ის მაშინაც ტერიტორიაზე იყო და ახლაც ტერიტორიაზე იქნებოდა.

გამოძიებამ ბაზაზე მყოფი ყველა გოგონა შეკრიბა და მათგან ისინი აარჩია, ვისაც აბაზანაში ნაპოვნი თმის ღერის ფერის თმა ჰქონდა. ექსპერტმა ყველას ჩამოუარა, თუმცა მისი წვალუბა ამო გამოდგა – ერთ-ერთმა გოგონამ მკაფიოდ თქვა, აბაზანაში რევიზორთან ერთად მე ვიყავიო. რაღა თქმა უნდა, ის დაკითხვაზე წაიყვანეს.

„ბაზის სასადილოში, რევიზორი შემთხვევით გავიცანი. სასადილოში მოსაუბრე გამოდგა, მართლაც მამა-შვილური საუბარი გამიბა, ბევრ საკითხში პროფესიონალის დონეზე იყო ჩახედული, ლექციასავით წამიკითხა რამდენიმე თემა, რამაც ძალიან დამაინტერესა. ამის შემდეგ, კიდევ რამდენჯერმე შევხვდი, ორჯერ – სასადილოში, ერთხელაც ბაზის ტერიტორიაზე ვისეირნეთ. აბაზანაში კი შემთხვევით აღმოვჩნდი, ვარჯიშიდან დავბრუნდი, როცა ის დავინახე და ღიმილით მითხრა, თუ გინდა, ორთქლის აბაზანა ერთად მივილოთ, ხომ იცი, წესიერი კაცი ვარ, არაფერს ვიკადრებო. არ ვიცი რატომ, მაგრამ რაღაცნაირად დაუფუჯერე და აბაზანაში შევყვეი. ვსაუბრობდით, მერე მითხრა, ტანი უნდა გავიხეხო და დამტოვეო, მეც წამოვედი და მერე გავიგე, რომ მოკლეს“, – ეს არის ამონარიდი გოგონას ჩვენებიდან.

მისი სიტყვების დაჯერება ცოტა წარმოუდგენლად ჩანდა და გოგონა ექსპერტიზაზე გაუშვეს. ექსპერტს

უნდა დაედგინა, ხომ არ ჰქონდა მას სქესობრივი კავშირი ან სხეულზე სისხლნაჟღენთები, რაც გაუპატიურების მცდელობას მოასწავებდა. ექსპერტიზამ დასკვნა დადო – გოგონა ლამის წმინდანად შერაცხა ანუ ყოველგვარი ინტიმი და ძალადობის მცდელობა გამოირიცხა. სამართალდამცავები ჩიხში შევიდნენ. ყველა ეჭვიმტანილი ხელიდან იმ ფიფქებივით გაუქრათ, რომელიც გარეთ მრავლად ცვიოდა. დირექტორმაც ღიმილით შენიშნა, კიდევ კარგი, გოგონა იმ რევიზორთან არ მაიმუნობდა, თორემ მაგას ისეთი ეჭვიანი შეყვარებული ჰყავს, კიდევ ერთ მკვლელობას არ ავცდებოდიო.

შეყვარებული მოჭიდავე აღმოჩნდა, რომელიც იმავე ბაზაზე ცხოვრობდა, თუმცა ბიჭებისა და გოგონების საცხოვრებლები უმკაცრესად იყო გამიჯნული და ასევე, მკაცრად კონტროლდებოდა. დაკითხვაზე ამჯერად მოჭიდავე დაიბარეს.

„დაახლოებით, ორმეტრიანი მუტრუკი უდარდელად შემოვიდა, სკამზეც უდარდელად ჩამოჯდა და მივხვდი, დაკითხვას აზრი არ ექნებოდა, რადგან ყველაფერს უარყოფდა. მოულოდნელად, მზერა ჩემს მაგიდაზე გააშტერა და მის მზერას გაყვეი – შეყვარებულის დასკვნას მოჰკრა თვალი. ფურცელი მაშინვე ამოვებრუნე და შევატყვე, არ მოეწონა. ამიტომ, კითხვა პირდაპირ დავუსვი, ის კაცი იმიტომ მოკალი, შენს შეყვარებულს საუნაში რომ დაათრევდა-თქო? სახე შეეცვალა, მერე თქვა, ტყუილიაო და მე კიდევ ის ფურცელი ავაფრიალე, რა ტყუილია, აგერ ექსპერტი მინერს, რომ ბოლო ერთი კვირაა, იმ გოგოს მუდმივი ინტიმური კავშირი აქვს-მეთქი. სახე წაეშალა, გალურჯდა, მერე გაფითრდა და ბოლოს თქვა, სწორად მომიკლავსო“, – იხსენებს ბატონი თენგიზი.

ეს უკვე აღიარება იყო და დამალვას აზრი აღარ ჰქონდა. როგორც მოჭიდავემ თქვა, ის გოგო მისი საცოლე იყო, რამდენჯერმე დაინახა, მოხუც რევიზორს რომ ტკბილად ესაუბრებოდა, იეჭვიანა და თვალთვალი დაუწყო. საუნაში რომ შევიდა, ამან სულ გადარია, გარეთ გამოვიდა, ინერვიულა, შემდეგ კი ორივეს მოკვლა გადაწყვიტა და უკან შებრუნდა, მაგრამ გოგო აღარ დახვდა, მხოლოდ რევიზორი იყო წამოწოლილი ხის თაროზე, ამიტომ ის მოკლა და გოგოს საძებნელად წავიდა, მაგრამ ვერ იპოვა. გამოძიებას ყველაზე მეტად მკვლელობის იარაღი აინტერესებდა. მოჭიდავემ არ დამალა – აბანოს შესასვლელთან, სახურავიდან ყინულის რამდენიმე ლოლო იყო ჩამოკიდებული, ერთი ცალი მოვტყე, ყელში ის შევარჭე და იქვე დავაგდეო. ექსპერტების მისვლამდე ყინული გადნა და მკვლელობის იარაღიც გაქრა.

სასამართლომ მოჭიდავეს 12 წლით თავისუფლების აღკვეთა მიუსაჯა, მკაცრი დასკვნის მიუხედავად კი, ბაზის დირექტორს ხელი არავინ მოჰკიდა. როგორც ჩანს, ის საუნა მართლაც ზემდგომების მითითებით იყო აშენებული...

საქართველოში თაღლითობა ნაკლებად იყო გავრცელებული. ამის მიზეზი კი ჩვენი ქვეყნის მცირე მოსახლეობა გახლდათ. ახლაც ხომ ასეა – ყველა ყველას იცნობს და დამალვა შეუძლებელია. ამიტომ, კომუნისტების დროს, ადამიანები თაღლითობასა და ერთმანეთის მოტყუებას ერიდებოდნენ, თორემ სახელმწიფოს ატყუებდა ყველა, ვისაც არ ეზარებოდა და ყველა ისე უყურებდა, როგორც მენველ ძროხას, რომელსაც არაფერი შეეცდებოდა, თუ ცოტას მოპარავდნენ.

„ერთ საღამოს, შინ გვიან მივედი, როგორც წესი, ცოლი გაფრთხილებული მყავდა, რომ არ დამლოდებოდა, რადგან იყო იმის შანსი, რომ 2-3 დღე საერთოდ არ მივსულიყავი, თუმცა იმ დღეს ფეხზე დამხვდა, სამზარეულოში ყავის ჭიქებს ცლიდა და მელოდა. ტირილით მითხრა, მილიციამ დამაკავა და 200 მანეთს მთხოვესო. კინალამ გადავირიე – ჩემს ანუ განსაკუთრებულ საქმეთა მთავარი გამომძიებლის ცოლს, ვილაც 200 მანეთს სძალავდა, თან სწორედ იმ მომენტში, უცნაური გაუპატიურებების სერიას ვიძიებდი და ამ დროს ახალი პრობლემა“, – იხსენებს პოლიციის გადამდგარი პოლკოვნიკი, ბატონი თენგიზი.

როგორც მეუღლე ამბობდა, ქუჩაში მიდიოდა, როცა ახალგაზრდა კაცმა გააჩერა და ლამის ტირილით უთხრა, რომ გაქურდეს, ის კი ბათუმში უნდა გამგზავრებულიყო, სადაც ორსული ცოლი ელოდა. გზის ფულის ანუ სულ რაღაც 20 მანეთის სანაცვლოდ, ვერცხლის საყურეებს სთავაზობდა, რომელიც ძალიან, ძალიან ლამაზი იყო. ქალმა დააპირა, სასწრაფო კვებითი ადამიანისთვის ფული ისე მიეცა, მაგრამ კაცმა საყურეები ლამის ძალით ჩაუდო ჯიბეში, მადლობა გადაუხადა და წავიდა. ზუსტად ათი მეტრის გავლის შემდეგ, ქალს წინ იმ უბნის რწმუნებული გადაუდგა, იქვე ქუჩაში გაჩხრიკა, საყურეები უპოვა და უთხრა, რომ ისინი მოპარული იყო და სამართალდამცავები ეძებდნენ. ქალს იქვე მოურიგდა, მეორე დღეს 200 მანეთი უნდა მიეტანა, სხვა შემთხვევაში, საქმეს აღძრავდა და როგორც ნაქურდალის გამსაღებელს, ისე დააპატიმრებდა. მძევლად უბნის რწმუნებულმა ქალის პასპორტი დაიტოვა. როგორც ბატონ თენგიზს ცოლმა უთხრა, სპეციალურად არ დაასახელა, ვინ იყო მისი მეუღლე, რადგან ეშინოდა, ქმრისთვის პრობლემები არ შეექმნა.

„გაოგნებული დავრჩი. უბნის რწმუნებულმა ცოლს მილიციის მოწმობაც უჩვენა, ცოლმა სახელი და გვარი დაიმახსოვრა. მაშინვე გადავამოწმე და ჰოი, საოცრება, ასეთი თანამშრომელი, მართლაც, არსებობდა. ვერ მოვისვენე, პირადი საქმე ერთ საათში ხელში მეჭირა, ცოლს სურათი ვანახე და თავი დამიქნია, ეს არისო. ამ დროს კოლეგამ დამირეკა და მითხრა, ხომ არაფერი გეშლება, ეგ უბნის რწმუნებული ორი კვირაა, შვებულებაშია და ოჯახთან ერთად, თბილისიდანაა წასული, სოფლად ისვენებსო. კოლეგის მჯეროდა, მაგრამ ცოლის უფრო მჯეროდა, ამიტომ მეორე დღეს, ცოლს 200 მანეთი ჩავუთვალე და გადავაცემინე, რადგან დარწმუნებული ვიყავი, ის მეორეც მასთან ერთად მოქმედებდა და ისიც უნდა დაგვეკავებინა. რა თქმა უნდა, ყველაფერი ფოტოებზე აღვებჭედეთ და საქმეც ოფიციალურად აღვძარი. იმავე დღეს, ორი თანამშრომელი ქალი გავუშვი იმავე უბანში, სადაც საღამოს, ერთ-ერთს ვერცხლის საყურეები შესთავაზეს. სპეცოპერაცია წარმატებით დასრულდა“, – იხსენებს ბატონი თენგიზი.

როგორც გაირკვა, უბნის რწმუნებული მართლაც დასასვენებლად იყო ოჯახთან ერთად, მისი ფორმა კი ტყუპისცალმა ძმამ მოირგო და გადაწყვიტა, ცოტა ფული ეშოვნა. სანამ გამომძიებლის ცოლს გადაეყრებოდნენ, შვიდი ადამიანის გაცურება მოახერხეს და 1400 მანეთიც ჩაიჯიბეს. ფულის უდიდესი ნაწილი ამოღებულ იქნა, ორივე თაღლითი გაასამართლეს, ძმა კი სამართალდამცავი ორგანოებიდან დაითხოვეს, რადგან ის ფორმასა და მონიშნას არ გაუფრთხილდა.

თაღლითობა სამართალდამცავის სახელით



ვინ იყო პათანატომი, რომელიც ქალებს შურისძიების მიზნით აუპატიურებდა

რაც შეეხება გაუპატიურების საქმეს, უცნურობა იმაში მდგომარეობდა, რომ გაუპატიურების შემდეგ, მოძალადე, გოგონებს პირში ლურჯ ძაფს ჩრიდა და გარბოდა. ძაფი საკმაოდ მსხვილი იყო და ექსპერტიზამ დაადგინა, ის ქალის თავსაფრის ბოლოებზე მიმაგრებული ქსოვილი გახლდათ. ასეთი თავსაფარი ათასობით გამოდიოდა და მხოლოდ მისი საშუალებით იდენტიფიცირება გამოირიცხული იყო. სამართალდამცავებს დღე და ღამე არ ეძინათ, რადგან კვირაში ერთხელ, მთელი დედაქალაქის მასშტაბით, დამნაშავე ახალ მსხვერპლს პოულობდა და უკვე რვა საქმე დაგროვდა, თანაც მილიციას ეჭვი ჰქონდა, რომ რამდენიმე მსხვერპლმა განცხადება, უბრალოდ, არ დანერა, რადგან სახელს გაუფრთხილდა.

„აზრი არ ჰქონდა, ჩვენს რომელიმე თანამშრომელ ქალს ემორიგევა და გავყოლოდით, რადგან მოძალადე მთელი თბილისის მასშტაბით მოქმედებდა – სხვადასხვა უბანსა და ლოკაციაზე, რაც იმას ნიშნავდა, რომ ერთი ამოჩემებული ადგილი არ ჰქონდა. შემთხვევითობის შესაძლებლობა კი იმდენად მცირე იყო, ამისთვის პერსონალის მოცდენა არ ღირდა. ერთადერთ ვარიანტად ის რჩებოდა, რომ დამნაშავე ან ცხელ კვალზე დაგვეკავებინა, ან ისეთი სამხილი დაეტოვებინა, რომ მისი მოძებნა და გაშიფვრა ადვილი ყოფილიყო“, – გვიყვება ბატონი თენგიზი.

საინტერესო ის გახლდათ, რომ რამდენიმე ქალბატონს მოძალადე პირდაპირ კი არ დაესხა, არამედ, გაცნო, სახლამდე გაცილება შესთავაზა, მეორე დღეს პაემანი დაუნიშნა და შემდეგ გააუპატიურა. მილიციას ფოტორობოტი ჰქონდა, მაგრამ იმის მიუხედავად, რომ ლამის ჯიბის ქურდების სახეებიც კი შეადარეს, დაასკვნეს – მოძალადე ძალოვნებისთვის უცნობი პიროვნებ იყო ანუ ნასამართლეთი არ ყოფილა.

კვანძი მოულოდნელად გაიხსნა: ერთ დღეს, პირდაპირ შს სამინისტროში, ქალი მივიდა, რომელმაც განაცხადა, რომ მოძალადე იპოვა და ის ერთ-ერთ საავადმყოფოში მუშაობდა.

„უფრო ზუსტი იქნება, თუ ვიტყვით, რომ ეჭვმიტანილი მორგის თანამშრომელი, პათანატომი გახლდათ. ერთ-ერთი მსხვერპლის მეგობარს შვილი დაეღუპა, მორგში გაჰყვა და სწორედ იქ დაინახა კაცი, რომელმაც გააუპატიურა. საბედნიეროდ, მან არაფერი მოიმოქმედა, მაქსიმალურად შეეცადა, კაცს არ შეემჩნია და შემდეგ, იმის გამო, რომ სამართალდამცავებსაც ბოლომდე არ ენდობოდა, პირდაპირ სამინისტროში მივიდა. მის მიერ ამოცნობილი პიროვნების პირდაპირ დაკავება არ გამოდიოდა, რადგან სამხილი არ გვექონდა, ამიტომ თვალთვალის გადაწყვეტა“, – იხსენებს ბატონი თენგიზი.

სამართალდამცავებმა გეგმაც შეიმუშავეს, სამინისტროს სამბოს ინსტრუქტორი ქალბატონი შესაბამისად გამოაწყვეს და იმ გზაზე გაუშვეს, სადაც ეჭვმიტანილი მოძრაობდა ხოლმე. ქალბატონს ექვსი ოპე-

რმუშაკი დაჰყვებოდა და აკონტროლებდა. პათანატომი ანკესს მესამე დღეს წამოეგო, სკამზე ეულად მჯდომ ქალს მიუახლოვდა და გაიცნო, შემდეგ სახლამდე მიაცილა და მეორე დღისთვის პაემანი დაუთქვა. სამბოს ინსტრუქტორი გაცილებული იყო, რომ არ ვიცოდე, ვინ არის, ეგებ, შემყვარებოდა კიდევ, ისეთი თავაზიანი და დახვეწილიაო.

მეორე დღეს განსაკუთრებული არაფერი მომხდარა, მესამე დღეს კი კაცმა პაემანი შებინდებისას დანიშნა. ოპერმუშაკები შორიდან უყურებდნენ, როგორ შევიდა სკვერის სიღრმეში წყვილი, ისიც კარგად დაინახეს, როგორ ამოილო კაცმა ჯიბიდან ლურჯი თავსაფარი, როგორ შემოხვია ყელზე და როგორ არ უშვებდა თავსაფრის ბოლოებს ხელს. მხოლოდ ნახევარი წუთის შემდეგ მიხვდა ერთ-ერთი ოპერმუშაკი, რომ კაცი ქალს ხელსახოცით ახრჩობდა და დანარჩენებს ნიშანი მისცა. რამდენიმე წამის შემდეგ, ეჭვმიტანილი ბორკილებდა-დებული მიწაზე ეგდო, გრძობადაკარგულ ქალს კი კოლეგები ასულიერებდნენ. მეორე გაირკვა, ადამიანის სხეულის ზედმიწევნით მცოდნე პათანატომი, ქალებს ყელის არეში აჭერდა თითებს, აძინებდა, შემდეგ კი აუპატიურებდა. დაკავებული განყოფილებაში მიიყვანეს და 24 საათის განმავლობაში, კითხვა არ დაუსვამთ. ეს გამომძიებლის გადანყვეტილება იყო, სურდა, დაკავებულს მშვიდად ეფიქრა, შესაბამისი დასკვნები გაეკეთებინა და ან ბოლომდე ჯიუტად დაეცვა საკუთარი თავი და უდანაშაულობა ემტკიცებინა, ან პირველივე დაკითხვაზე, ყველაფერი ელიარებინა.

„როცა დაკავებული დაკითხვაზე შემოიყვანეს, მაგიაზე, გამჭვირვალე ცელოფანში ჩადებული ლურჯი თავსაფარი მედო. ცალი თვალით დახედა, ცოტა შეცბა და მაშინ ვიგრძენი, აღსარებას ჩამაბარებდა. ასეც მოხდა, დაიწყო და აღარ გაჩუმდა“, – გვიყვება ბატონი თენგიზი.

თურმე, პათანატომი დაქორწინებას აპირებდა და ქალმა პირდაპირ მმარის ბიუროს ეზოში მიატოვა, სხვას მიყვებო. წინა დღეს, ეს თავსაფარი დიდი მონინებით აჩუქა, დედაჩემს ზუსტად ასეთი ჰქონდა, ძლივს ვიშოვეო და თავსაფარი საცოლემ მმარის ეზოში უკან დაუბრუნა. შურისძიების გეგმაც მაშინ დაეება და გადაწყვიტა, რაც შეიძლება მეტი ქალისთვის მიეყენებინა ტყვილი, რადგან მისთვის უკვე ყველა ქალი უწმინდური იყო. ისიც თქვა, გარდაცვლილების გაუპატიურებაც მინდოდა, მაგრამ ვერ მოვახერხე, გული არ მიმივიდაო. სამართალდამცავები იძულებულიები გახდნენ, დაკავებულისთვის ფსიქიატრიული ექსპერტიზა ჩაეტარებინათ. ექიმებმა ერთხმად დაასკვნეს, რომ ჯანმრთელი გახლდათ.

პათანატომს სასამართლომ 10 წლით თავისუფლების აღკვეთა მიუსაჯა, თუმცა ოთხი წლის შემდეგ, ის ციხის საავადმყოფოში, ტუბერკულოზით გარდაიცვალა.

ნარკოტიკებისა და ფსიქოტროპული საშუალებების რეალიზაციისთვის სასჯელი მკაცრდება – შსს-ს მომზადებული საკანონმდებლო ცვლილებების პაკეტს საქართველოს მთავრობამ მხარი დაუჭირა



საქართველოს შინაგან საქმეთა სამინისტრომ საკანონმდებლო ცვლილების პროექტი მოამზადა, რომელიც მთავრობას წარედგინა. კანონპროექტის მიხედვით, მკაცრდება ნარკოტიკული საშუალების, ახალი ფსიქოაქტიური, ფსიქოტროპული და ძლიერმოქმედი ნივთიერებების გასაღებისთვის საქართველოს სისხლის სამართლის კოდექსით დადგენილი სასჯელები.

ბოლო პერიოდის პრაქტიკის ანალიზი ცხადყოფს, რომ ნარკოტიკული საშუალების გასაღებისთვის, საქართველოს სისხლის სამართლის კოდექსით დღეს მოქმედი სანქცია სათანადოდ ვერ უზრუნველყოფს შემაკავებელი ფუნქციის შესრულებას. ნარკოტიკული საშუალების გასაღებით მიღებული მნიშვნელოვანი ფულადი სარგებელი, უმეტესად, ხელს უწყობს ახალი დანაშაულის ჩადენას და ამ სფეროში არაერთი პირის ჩართვასაც.

სწორედ ამ ფაქტორებითაა ნაკარნახევი სახელმწიფოს მხრიდან პოლიტიკის გამკაცრება ნარკოტიკების გამსაღებლების მიმართ.

წარდგენილი კანონპროექტით, ნარკოტიკული საშუალების გასაღებისთვის სასჯელის სახით თავისუფლების აღკვეთის მინიმალური ოდენობა 6-დან 10 წლამდე გაიზრდება.

ასევე, 12-დან 17 წლამდე თავისუფლების აღკვეთით დაისჯება ის პირი, ვინც დიდი ოდენობით გაასაღებს ნარკოტიკულ საშუალებას.

გარდა ამისა, მნიშვნელოვნად იზრდება განსაკუთრებით დიდი ოდენობით ნარკოტიკული საშუალების გასაღებისთვის დადგენილი სასჯელი. კერძოდ, თუ დღეს მოქმედი რედაქციით, აღნიშნული ქმედების ჩამდენი პირისთვის გათვალისწინებულია 8-დან 20 წლამდე ან უვადო თავისუფლების აღკვეთა, პროექტის თანახმად, ეს ვადა 14-დან 20 წლამდე ან უვადო თავისუფლების აღკვეთას ითვალისწინებს.

შემუშავებული ცვლილებების პროექტით, ასევე, მკაცრდება სანქციები ფსიქოტროპული ნივთიერების, მისი ანალოგის ან ძლიერმოქმედი ნივთიერების უკანონო გასაღებისთვის.

წარმოდგენილი ცვლილებები სრულად იზიარებს საუკეთესო ევროპულ გამოცდილებას, მათ შორის, ისეთი ქვეყნების, როგორებიცაა გერმანია, ავსტრია, პორტუგალია, ესპანეთი, შვედეთი და ა.შ.

საქართველოს შინაგან საქმეთა სამინისტროს მიერ მომზადებულ საკანონმდებლო ცვლილებების პაკეტს საქართველოს მთავრობამ მხარი დაუჭირა და უახლოეს დღეებში, საქართველოს პარლამენტს წარედგინება.

შინაგან საქმეთა სამინისტრომ უკანონო ცეცხლსასროლი იარაღის შექმნა-შენახვა-ტარების ფაქტზე ერთი პირი დააკავა

შინაგან საქმეთა სამინისტროს ცენტრალური კრიმინალური პოლიციის დეპარტამენტის ორგანიზებულ დანაშაულთან ბრძოლის მთავარი სამმართველოს განსაკუთრებით მნიშვნელოვან საქმეთა სამმართველოს თანამშრომლებმა, ჩატარებული ოპერატიულ-სამძებრო ღონისძიებების შედეგად, 1981 წელს დაბადებული მ.ტ. ცეცხლსასროლი იარაღის მართლსაწინააღმდეგო შექმნა-შენახვა ტარების ბრალდებით, თბილისი-წითელი ხიდის საავტომობილო გზაზე დააკავეს.

დანაშაული 4-დან 7 წლამდე ვადით თავისუფლების აღკვეთას ითვალისწინებს.

სამართალდამცველებმა, დაკავებულის პირადი ჩხრეკის შედეგად ამოიღეს: ქარხნული წესით დამზადებული – NORINCO MODEL 213 მოდელის პისტოლეტი, ასევე, ამავე იარაღისათვის განკუთვნილი, ქარხნული წესით დამზადებული 8 ცალი ვაზნა. ხოლო, მისი კუთვნილი ავტომანქანის ჩხრეკის შედეგად ამოღებულია: ტოკარევის TT კონსტრუქციის პისტოლეტი და ამავე იარაღისათვის განკუთვნილი 8 ცალი საბრძოლო ვაზნა.

გამოძიება ცეცხლსასროლი იარაღის მართლსაწინააღმდეგო შექმნა-შენახვა ტარების ფაქტზე, საქართველოს სისხლის სამართლის კოდექსის 236-ე მუხლის მე-3 და მე-4 ნაწილებით მიმდინარეობს.



პოლიციამ დააკავეს პირადი და ავტომანქანის ჩხრეკისას 2 ცალი სხვადასხვა ტიპის ცეცხლსასროლი იარაღი ამოიღო

პოლიციამ აჭარაში ნარკოდანაშაულისთვის ორი პირი დააკავა – ამოღებულია განსაკუთრებით დიდი ოდენობით „სუბოქსინი“



ნივთმტკიცებად ამოღებულია განსაკუთრებით დიდი ოდენობით ნარკოტიკი, მათ შორის ერთ-ერთი ბრალდებულის მიერ გაყიდული „სუბოქსინი“ 115 აბი

პოლიციამ თ.ქ. განსაკუთრებით დიდი ოდენობით ნარკოტიკული საშუალების უკანონო შექმნა-შენახვისა და გასაღების ბრალდებით დააკავა.

სამართალდამცველებმა მოსამართლის განჩინების საფუძველზე განახორციელეს თ.ქ.-სგან ნარკოტიკული საშუალების საკონტროლო შესყიდვა და აღნიშნული შესყიდვის ფარული აუდიო-ვიდეო ჩანერა.

პოლიციამ თ.ქ.-ის მიერ საკონტროლო შესყიდვების დროს გაყიდული, „ბუპრენორფინის“ შემცველი ნარკოტიკული საშუალება „სუბოქსინის“ 115 აბი და ნარკოტიკების უკანონო რეალიზაციის შედეგად მიღებული ფული ნივთმტკიცების სახით ამოიღო.

რაც შეეხება კ.რ.-ს, პოლიციამ, მისი პირადი ჩხრეკის შედეგად, ნივთმტკიცების სახით ამოიღო „ბუპრენორფინის“ შემცველი ნარკოტიკული საშუალება „სუბოქსინის“ 29 აბი და კ.რ. განსაკუთრებით დიდი ოდენობით ნარკოტიკული საშუალებების უკანონო შექმნა-შენახვის ბრალდებით დააკავა.

განსაკუთრებით დიდი ოდენობით ნარკოტიკული საშუალებების უკანონო შექმნა-შენახვისა და გასაღების ფაქტებზე გამოძიება საქართველოს სისხლის სამართლის კოდექსის 260-ე მუხლის მეექვსე ნაწილის „ა“ ქვეპუნქტით მიმდინარეობს.

ვახტანგ გომელაურმა მეორე მსოფლიო ომში დაღუპულთა ხსოვნას პატივი მიაგო

9 მაისს, საქართველოს შინაგან საქმეთა მინისტრმა, პრემიერ-მინისტრ ირაკლი ლარიაშვილთან და თავდაცვის მინისტრ ჯუანშერ ბურჭულაძესთან ერთად, „ვეტერანთა კულტურისა და დასვენების პარკში“, მეორე მსოფლიო ომში დაღუპულთა ხსოვნას პატივი მიაგო. წელს, ფაშიზმზე გამარჯვების 76-ე წლისთავია.



პოლიციამ ასპინძაში მომხდარი განზრახ მკვლელობის ფაქტი ცხელ კვალზე გახსნა – დააკავეს ერთი პირი



შინაგან საქმეთა სამინისტროს სამცხე-ჯავახეთის პოლიციის დეპარტამენტის თანამშრომლებმა, ცხელ კვალზე ჩატარებული ოპერატიულ-სამძებრო და საგამოძიებო მოქმედებების შედეგად, 1961 წელს დაბადებული ვ.კ. განზრახ მკვლელობის ბრალდებით დააკავეს. დანაშაული 7-დან 15 წლამდე ვადით თავისუფლების აღკვეთას ითვალისწინებს. გამოძიებით დადგინდა, რომ ბრალდებულმა, რომელიც ასპინძის მუნიციპალიტეტის სოფელ ბუზმარეთის მიმდებარე ტერიტორიაზე არსებულ ფერმაში მწყემსად მუშაობს, ურთიერთშელაპარაკებისას, ამავე ფერმაში მომუშავე მწყემსს – 1983 წელს დაბადებულ ს.ს.-ს, ცივი იარაღის გამოყენებით, გულ-მკერდის არეში ჭრილობები მიაყენა. დაჭრილი მამაკაცი შემთხვევის ადგილზე გარდაიცვალა. სამართალდამცველებმა ბრალდებული მწყემსი მომხდარიდან მალევე, ასპინძის მუნიციპალიტეტში დააკავეს. პოლიციამ დანაშაულის ჩადენის იარაღი – დანა ნივთმტკიცების სახით ამოიღო. დაკავებული დანაშაულს აღიარებს. განზრახ მკვლელობის ფაქტზე გამოძიება საქართველოს სს.კ-ის 108-ე მუხლით მიმდინარეობს.

კატასტროფა – მოჭიდავეები ლიცენზიის გარეშე დარჩნენ

ბულგარეთის დედაქალაქ სოფიაში, ბოლო სალიცენზიო ტურნირი გაიმართა. ოლიმპიადის ლიცენზია იმ მოჭიდავეებს უნდა მიეღოთ, რომლებიც, მინიმუმ, ფინალში გავიდოდნენ. სამწუხაროდ, ქართული დელეგაციისთვის ეს ტურნირი წარმოუდგენლად ცუდი შედეგით დასრულდა. რიგობით მივყავთ:

თავისუფალი სტილით მოჭიდავეთა ნაკრებს ოლიმპიური და მსოფლიო ჩემპიონი, ლადო ხინჩეგაშვილი კორონავირუსის გამო ვერ გაჰყვა და მისთვის ოლიმპიადა დასრულდა. მის ნაცვლად, ბექა ლომთაძე წავიდა, თუმცა ლიცენზიის მოპოვება ვერ მოახერხა. საკუთარი შეხვედრები დათმეს ოთარ გოგავამ და სანდრო ამინაშვილმა. ეს კი იმას ნიშნავს, რომ 2021 წლის ოლიმპიურ თამაშებზე, თავისუფალი სტილით ჭიდაობაში საქართველოს -57, -65 და -86 კილოგრამებში წარმომადგენელი არ ეყოლება. საქართველოს ლირსებას ავთანდილ კენჭაძე (-74), ელიზბარ ოდიკაძე (-97)



და გენო პეტრიაშვილი (+125) დაიცავენ. პრაქტიკულად, იგივე დაემართათ ბერძნულ-რომაული სტილით მოჭიდავეებს. ამ სტილშიც ოლიმპიადაზე მონაწილე მხოლოდ ოთხ ნონით კატეგორიაში გვეყოლება. ბარემ ისიც ვთქვათ, რომ -87 კილოგრამში, ოლიმპიური ლიცენზიის მოპოვებას კიდევ ორი ქართველი ცდილობდა, თუმცა ორივე სხვა ქვეყნის სახელით. რუსთა ფალავანი დავით ჩაკვეტაძე, რომელიც როს ოლიმპიადის გამარჯვებულია, ფინალამდე, სერბეთის სახელით მოასპარეზე ზურაბ დათუნაშვილმა არ მიუშვა. შედეგად, ჩაკვეტაძე ლიცენზიის გარეშე დარჩა, დათუნაშვილი კი, რომელმაც ორი კვირის წინ, ევროპის ჩემპიონის ტიტულიც მოიგო, ოლიმპიადაზე იასპარეზებს. შეგახსენებთ, რომ ეს სწორედ ის მოჭიდავეა, რომელიც საქართველოდან ჭიდაობის ფედერაციის პრეზიდენტთან, გეგა გეგეშიძესთან კონფლიქტის გამო წავიდა სერბეთში.

ბორჯღალოსნებს მსოფლიო ჩემპიონები გამოსცდიან



საქართველოს რაგბის კავშირი
GEORGIA RUGBY UNION

2019 წლის 2 ნოემბერს, სამხრეთ აფრიკის მორაგბეთა ნაკრები მსოფლიოს ჩემპიონი გახდა და ამ ტიტულს, მინიმუმ, მომავალ მსოფლიო პირველობამდე ვერავინ შეეცილება. მას შემდეგ, წელიწადნახევარი გავიდა და სამხრეთ აფრიკის ნაკრებს ერთი შეხვედრაც არ გაუმართავს. ახლა კი, მათმა თავკაცმა ორი

ტესტ-მატჩი დაგეგმა, რათა მომავალი ტურნირებისთვის მოემზადოს და მეტოქედ... საქართველოს ნაკრები აირჩია. „საქართველოს ნაკრები ისეთი სიძლიერისაა, რომ მოდუნების უფლებას არ მოგვცემს. მათ ძალიან კარგი მოთამაშეები ჰყავთ და ქართველებთან ასპა-

რეზობის დროს, შესაძლებლობა გვექნება, ახალი სქემები დავხვეწოთ“, – განაცხადა აფრიკელთა დამრიგებელმა. მატჩები 3 და 10 ივლისს, სამხრეთ აფრიკაში გაიმართება და ეს გამოცდილება ბორჯღალოსნებს ძალიან რომ წაადგებათ, თქმა არ უნდა.

13 მაისი ანზორ გაბიტაშვილის გარეშე

არ აქვს მნიშვნელობა, ფეხბურთი გიყვარს თუ არა, 1981 წლის 13 მაისი ყველა ქართველს ახსოვს. ამ დღეს, თბილისის „დინამომ“, ისტორიაში პირველად და ჯერჯერობით უკანასკნელად, პირველი ევროპული ჯილდო მოიგო. ნოდარ ახალკაცის გუნდმა, თასების მფლობელთა თასის ფინალში, იენის „კარლ ცაისი“ დაამარცხა და სანუკვარი თასი თბილისში ჩამოიტანა. ერთ-ერთი ყველაზე დასამახსოვრებელი ეპიზოდი მატჩის ბოლოს მოხდა, როცა მსაჯს, რიკარდო ლატანცის „დინამოს“ ფიზიოთერაპევტმა, ანზორ გაბიტაშვილმა ბურთი ხელიდან გამოსტაცა და გაიქცა. ის ბურთი შემდეგ საქართველოში ჩამოიტანეს და დღემდე, „დინამოს“ მუზეუმში ინახება. სამწუხაროდ, ბატონი ანზორი იმ განუმეორებელი დღის 40 წლისთავს ვერ დაესწრო – 82 წლის ასაკში, გაბიტაშვილი გარდაიცვალა.



მაკგრეგორი ალარ ხუმრობს – „სელტიკი“ ჩემია!

წესების გარეშე ბრძოლაში ყველაზე ცნობილი და პოპულარული მებროლი, კონორ მაკგრეგორი გასულ კვირას ამბობდა, ძალიან მინდა საფეხბურთო კლუბ „მანჩესტერ იუნაიტედის“ აქციები შევიძინო, მაგრამ მერე მიხვდა, რომ ასეთი დონის კლუბის აქციების შეძენა მისთვისაც კი აუხდენელი ოცნებაა. ინგლისური გრანდი 2 მილიარდ ფუნტზე მეტს ფასობს, მაკგრეგორს კი კარიერის განმავლობაში, ამის მეოთხედიც არ აქვს გამოუმუშავებული. თუმცა, ისე ჩანს, კონორი გაჩერებას არ აპირებს და თვალის შოტლანდიის ერთ-ერთ ყველაზე ძლიერ და ტრადიციულ კლუბს, გლაზგოს „სელტიკს“ დაადგა. მოლაპარაკებები უკვე დაწყებულია და უდიდესი ალბათობით, წარმატებითაც დასრულდება. ისტორიულად, „სელტიკში“ ირლანდიური ელემენტი ძლიერია. ეს ბრიტანელი კათოლიკების კლუბია და ტრადიციულად, ირლანდიაში ბევრი გულშემატკივარი ჰყავს. მაკგრეგორს არც ამჯერად დაუკონკრეტებია, რა წილის შესყიდვაზეა საუბარი – საკონტროლო პაკეტზე, თუ მხოლოდ წილზე.

ბათუმი საფეხბურთო ევროპაა



საქართველოს ეროვნული ლიგის გასული ტურის ცენტრალური შეხვედრა ბათუმში გაიმართა. ვიცე-ჩემპიონმა ბათუმის „დინამომ“ ჩემპიონი თბილისის „დინამო“ მიიღო. გარდა იმისა, რომ მატჩი საინტერესო სანახაობას გვპირდებოდა, ამ შეხვედრით, ოფიციალურად გაიხსნა ბათუმის ცენტრალური სტადიონი, რომლის ასაშენებლად არაერთი მილიონი ლარი დაიხარჯა. პირდაპირ ვთქვათ, სტადიონმა მოლოდინი გაამართლა, ის საუცხოოდ გამოიყურება, მასზე თამაში ერთი სიამოვნებაა და... ბათუმურ კლუბს დღეს ყველაზე მეტი გულშემატ-

კივარი ჰყავს. რაც მთავარია, ეს გულშემატკივრები სტადიონზე მუდმივად დადიან და საყვარელ კლუბს ამხნევენ. ასე იყო ამჯერადაც და აჭარულ სარბიელზე გადაღებულმა ფოტომ მთელი ევროპა მოიარა. ყველა აღიარებდა, რომ პანდემიის პირობებში, მაშინ, როცა ყველგან ყველაფერი ჩამკვდარია, ეს კადრები მომავლის იმედს იძლევა. მართლაც, ბათუმის სტადიონი, ნამდვილად საფეხბურთო ევროპის შუაგულს მოგაგონებთ. შეხვედრას რაც შეეხება, ის მასპინძელთა გამარჯვებით, 1:0 დასრულდა.

ART-პოეზია

თმარ ხაიამის რობაიები



1

მოდი, გული გამიხარე, მოდი ჩემთან, ჩემო კარგო, იქნებ შენი სილამაზით ჩემს ვაებას რამე არგო?! შენთან მინდა მოვილიხო, შევსვა ერთი დოქი ღვინო, სანამ დოქად გადამზელენ, დოქში მინდა თავი ჩა-ვრგო.

2

ხვალინდელ დღეზე რადგან პასუხს ვერავეინ აგებს, შენს სევდიან გულს, ღვინის გარდა, ვერარა არგებს; მთვარიან ღამეს შევსვათ ღვინო, რადგან ეს მთვარე მუდამ იქნება... ჩვენ კი ვერსად ველარ მოგვაგნებს.

3

ყურანის კითხვა თუმცა ბრძენი ხალხის ხვედრია, მათაც არ ესმით ის, რაც ძნელად მისახვედრია; ჯამის ფსკერზე კი რაგინდ ძველი ენეროს ლექსი, რომ ვერ გაიგოს, მე ჯერ კაცი არ შემხვედრია.

4

შენ ღვინის სმას თუ გიკრძალავს შენი საქმე, წონა, გვარი, ჩვენი მაინც არ გაკიცხო შეგება, ღვინით მონაგვარი; შენ სიფხიზლე ნუ გგონია სიმდიდრე და მონაგარი - პური შენი ბატონია, ჩვენთვის ღვინო მონა არი.

5

ვნების აკვანი თუმცა გულში ბევრჯერ დაგვერნა და სიყვარულის აღმურითაც სახე აგვეწვა, მაინც არ ვიცით, თიხით შექმნილ მოკვდავთა შორის მარადისობის მოქანდაკემ რისთვის ჩაგვექმნა.

6

მუტრიბი მღერის, მე ნანგრევში ვაგდვიარ მთვრალი და ღვინოს ნატრობს გული, სული, ბაგე და თვალი; არც შენდობა მსურს, არც მაშინებს ცოდვა და ბრა-ლი, არ მახსოვს მინა და ჰაერი, ცეცხლი და წყალი.

7

ჯემშიდიც და ბარამ-გურიც ფლობდნენ კოშკს თუ კამარებს, დღეს კი მათში თავის მოდგმას ჯეირანი ამრავლებს; ჯერი ედგათ ჯეირნებით გასაძლომი ბარამებს, მაგრამ დადგა ჯერი ნებით თვით აძლობდნენ სამა-რეს.

8

თავზედ ღრუბელი დამდგომია და ცრემლებს მალ-ვრის, თან მეუბნება: „ეს ცხოვრება უღვინოდ არ ღირს!“ დღეს თუ სხვის საფლავს ჩვენ გავთელავთ ცეკვა-თა-მაშით, ხვალ ჩვენს საფლავზე სხვას ნახავენ, ქეიფით და-ღლილს.

9

ახლა, როცა შენი ვარდის აყვავების წელია, შენ უღვინოდ რატომ ზიხარ, რატომ მოგინწყენია? ეს სანუთრო მუხთალია, ავია და ძველია, მოიღვინე, ასეთი დღის კვლავაც პოვნა ძნელია.

10

დღეის ფიქრით ხვალინდელი დღე ვერსაით ვერვინ ჰპოვა, ეგ ნაღველიც შენმა გულმა სულ ამაოდ დაიგროვა; რაც წავიდა, გუშინ იყო და ვინ იცის, ხვალ რა მოვა, წარსულზე და მომავალზე განა ღირსლა შენი გლო-ვა?!

11

ვინც შვილი იყო ნუთისოფლის, შმაგის თუ მშვიდის, კვალი ამაოდ ძებნა ოთხის, ექვსის თუ შვიდის... ღვინო დალიე, არვინ იცის, რა გზით მოხვედი, იმხიარულე, არვინ იცის, ვინ საით მიდის.

12

შენი სიავით უამთასრბოლავ, ბევრს უკვნესია, უსამართლობა ოდიტგანვე შენი წესია, მინის წიაღში, ო, რამდენი უძვირფასესი იაგუნდი და მარგალიტი დაგიტესია.

13

გულო, სანუთროს შენი კვნესა არა სწყინდება და ტკბილი სულიც მალე სადღაც გაგიფრინდება; მიტომაც გიჯობს ამ მდელიზე ილხენდე ერთხანს, სანამ ეს მდელი შენს საფლავზე აბიბინდება.

14

ცხოვრების ზღვაში ვნახეთ, რაც რამ მარგალიტია და ვერ გავიგეთ, ყალბია თუ ჭეშმარიტია; ის საფიქრალი, რაც ცხოვრებამ ვერ დაიტია, ფიქრადვე დარჩა, სიკვდილმა რომ შემოგვიტია.

15

ეს დოქიც თურმე კაცი იყო, ისიც თვრებოდა, რომ დათვრებოდა, მერე სატრფოს ეახლებოდა; დოქის სახელურს რომ უყურებ, ის ხელი იყო, ლამაზმანების ყელ-კისერს რომ გარს ევლებოდა.

16

ბედი იმ დოქში, რაც მოუკლავს წყურვილს ლატაკებს, თიხასთან ერთად მეფის თვალებს ჩააქანდაკებს, თითო ღაწვისგან გამოძერწავს თითო ფიალას, მისცემს ლოთებს და ყურს მიუგდებს, ვინ რას ქა-დაგებს.

17

ამ ძველ სანუთროს სახელი აქვს ცრუ და არამი, მის ძველ კედლებში სამყოფი აქვს ყველას ვარამი; ის სასახლეა, სადაც ასი ჯემშიდი მჯდარა და არის კოშკი, სადაც ნახეს ასი ბარამი.

18

ვით ნიაღვარში წვიმის წვეთი და ზვავში ფიფქი, დღეო გასულო, სანუთროში უკვალოდ მიქრი; სანამ ვარ ქვეყნად, ეს ორი რამ არ დამამწურებს: უკვე წასულ და ჯერარმოსულ დღეებზე ფიქრი.

19

ტურფა ვარდის სიცოცხლეში აყვავების თვეა კარგი, ღვინით ღამენათევისთვის განთიადის მზეა კარგი, რაც გაქრა და რაც წავიდა, რაც ხსოვნაში გადავიდა, მასზე ფიქრებს დაეხსენ და... დღევანდელი დღეა კარგი!

20

ჩვენს აქ მოსვლამდე დღეც იყო და ღამეც ყოფილა, ამ ციხევეშეთში, ალბათ, რაღაც საქმეც ყოფილა; ჩვენს ფეხქვეშ მინა ღამაზმანის თვალებს მაგონებს, აქ რომ იყო და, ალბათ, სხვაგან სადმეც ყოფილა.

21

დიდხანს ვძებნე და არაფერი დამიხვდა წინ მე, გადავიღალე წარმართობით გარეთ თუ შინ მე; რომ მეუბნებოდა - „ჯოჯოხეთი არ აგცდებოა“ - ნუთუ სამოთხეს ან ჯოჯოხეთს სწვევიხართ ვინმე?!

22

ვინც ამ ფიალის ნამცეცები ერთად შეყარა, სიტყვის სათქმელად ჩვენ ჯერ არსად შემოგვეყარა; ან იმ მინაზე რად ისურვა ჯავრი ეყარა, ღამაზმანების მტვერი სადაც მრავლად ეყარა.

23

რადგან სიცოცხლე მოწყალეებს არ არს ჩვეული, მოიღვინე და დაივიწყე ხვედრი წყეული; ჭკუით იცხოვრე, რადგან შენი ტურფა სხეული მხოლოდ მინაა და მტვერია წყალს შერეული.

24

გაზაფხულზე, ღრუბელი რომ პირს ჩამოჰბანს ვარდს და ტიტას, ღვინო სვი და ეგ ნაღველი მკლავებს აღარ ჩამო-გწყვიტავს; დღეს ამ ბალახს შენ გათელავ, ხვალ ის იტყვის თავის სიტყვას, როცა შავი სამარიდან შენს ნარჩენებს ამოიტანს.

25

მთვრალმა ბუღბუღმა ოდეს ჰპოვა ბალნარის კარი, შემოეგება მას იქ ვარდი, პირმომლიმარი; მერე ჩამოჯდა ჩემს მახლობლად და ჩამჩურჩულა: „ნარსულ სიცოცხლეს ნუ მისტირი... რაც არი, არი!“

26

ჟამთასობოლა თუკი ჩვენი ხოცვა-ჟლეტით არ დაცხრა, ზეცა, გინდა, შეიდი იყოს და, თუ გინდა, რვა და ცხრა; თუკი სიკვდილს არ ავცდებით არც მე, არც შენ და არც სხვა, სულერთია, ჭია დაგხრავს, თუ ნადირი დაგაცხრა.

27

თუ გაზაფხულდა, თუ ბარბაცებს მთვრალი ყაყაჩო, რად გინდა, სატრფოს ბაგეების გარდა, სხვა სარჩო? ღვინო დალიე, ამ ბებერმა ნუთისოფელმა თავის მორევში შენი მსგავსი ბევრი დაახრჩო.

28

ვერ ჩასწვდები ჭეშმარიტ აზრს, ვერ გაიგებ, ვინ ხარ, რა ხარ და მიტომაც შენს სიცოცხლეს ასეთ ფიქრებს ფუჭად ახმარ; სჯობს ფილას ეფერო და, რომ მოკვდები ან დღეს, ან ხვალ, სამარისთვის სულერთია, ფხიზელი თუ მთვრალი ჩახვალ.

29

რადგან ქარია ყველაფერი, რაც კი რამ არის, რადგან ყველაფერს ელის ხვედრი მტერის და სამარის, შენ მარადიულს წამიერად შეავლე თვალი და ჩათვალე, რომ წამიერიც მარადჟამ არის.

30

შავი მიწა, ფეხს რომ ადგამს დღეს ხან ერი და ხან ბერი, ერთდროს ქალის ბაგე იყო, ვარდისა და ღვინის ფერი; ეს ლამაზი აგურები, დღეს რომ მორთეს იმით ჭერი, ან ვეზირის ხელი იყო, ანდა სულთნის თმა და წვერი.

31

ყოვლისშემქმნელმა როცა მოჭრა სამყაროს თარგი, თვით არ იცოდა – რა არ ვარგობს და რაა ვარგი... მე თუ ცუდი ვარ, რად მიბოძა თვისი იერი, ან ასე უღვთოდ სულს რადა მხდის, თუკი ვარ კარგი?!

32

იღუმალეების ფარდის ახდა ძალუძს არავის, გრძნულ ზრახვათა ამომცნობი არვინ არ არის. აფსუს, წყვილია მიწის გულში დავიდებთ ბინას... ჩვენი ცხოვრება სიზმარია... აბა, რა არის?!

33

სიზმრად ვნახე ვილაც ბრძენი, მითხრა – „რა დროს ძილიაო? აქ სიცოცხლის ვარდი ჭკნება, ცხადში გადაშლილიაო; ძილში ყოფნით ვერ შეიცნობ მას, ვინც ყოფნის შვილიაო, სანამ დროა, გამოფხიზლდი! – ძილი მიწის ნილიაო“.

34

ორ სამყაროში მოწანწალე მგ ზავრებსა ვგავართ, თავსა და ბოლოს ვერ ვხედავთ და შუაზე დავალთ; არავინ ამბობს ჩვენთან მართალს – ვინ ვართ და რა ვართ, რა გზით მოვედით ნუთისოფლად და რა გზით ნავალთ.



35

შენი ხილვა, ტურფა ქალო, ო, რა საამური, მოდი, ღვინო მომანოდე, ხომ იცი, რომ მწყურია... და თუ ამან დამავინცა, რაც რამ ქვეყნად შურია, ძალღი ვიყო, თუ მახსოვდეს სამოთხე და ჰური.

36

იცოდე, შენც და შენი სულიც ბუნვზე კიდიხართ, რადგან არყოფნას ჩალის ფასად შეუსყიდიხართ; ღვინო დალიე, არვინ იცის, საიდან მოხველ, იმხიარულე, არვინ იცის, საით მიდიხართ.

37

მნდო, ამ ვარდნარს, დღეს რომ ყვავის გულის სალხენად, გნამდეს, ხრიოკი დაერქმევა მალე სახელად; მაშ, ღვინო ვსვათ და, მაშ, მოვკრიფოთ ვარდის კონები, სანამ ეს მდელი უქცევიათ ნავის საყრელად.

38

ბნელი ცხოვრების გზაზე მავალს რადგან ვედრები, აღარაფერი დამრჩა ქვეყნად დასაყვედრები; მადლობა უფალს, საკუთარი რომ მაქვს ტკივილი და ამას მაინც სხვას არავის არ ვევედრები.

39

მოვეძებნოთ მდელი, სადაც ია-ვარდი თესია, ღვინო შევსვათ და მოვილხინოთ, როგორც წესია; ლამაზი ქალიც თუ გვეახლა გამთენიისას, აღარც მეჩეთი გვეხსომება, არც ეკლესია.

40

სიცოცხლის რტოებს აყვავებას ერთხანს აცლიან და ლამაზ პერანგს სუდარაზე მალე გაცვლიან, შენს სხეულს, როგორც მფარველ კარავს, ნუ მიენდობი, რადგან ამ კარავს მალე საყრდენს გამოაცლიან.

41

ხალხი ამბობს: „არ არსებობს სამოთხეზე კარგი რამო!“ მე კი ვამბობ: „სანამ ცოცხლობ, კარგად უნდა სვა და ჭამო“; ის ნისია დაივინყე და იზრუნე ნაღდის გამო – შორიდან ხომ დაფდაფების ბრახაბრუხიც არის ამო.

42

ვიცი, რომ მკიცხავ ლოთობისთვის, ვიცი, რომ მძრახავ, ვიცი, ჯოჯოხეთს ვერ გავცდები, ვერ გადავლახავ; და რომ აგზავნი ჯოჯოხეთში ლოთსა და მიჯნურს, ხვალ ხომ სამოთხეს, ვით ხელისგულს, ცარიელს ნახავ?!

43

მე ვერ არ ვიცი, ჩემს სულზე ვინ ბატონობს და ვისია, წყეული ჯოჯოხეთის თუ ტურფა სამოთხის ღირსია?! ბარბითის კენესა, ღვინის სმა, სატრფოს აღერსი მდელიზე, ჩემთვის ეს სამი ნაღდია, ის სამოთხე კი – ნისია.

44

მთვარის სხივებმა გაარღვიეს სიბნელის მახე, შენც შენი შვება დღეს ამ სავსე მთვარესთან ნახე; მოილხინე და წარმავალ დროს ნურას შესჩივი – თავად მთვარესაც დაეცლება მალე ეს სახე. (ალექსანდრე ელერდაშვილის თარგმანი)

პლასტმასისგან წყალს ბაქტერიებით გაწმენდენ



ბაქტერიები ბუნებრივი გზით ჯგუფდებიან, ენებებიან ზედაპირებს და წარმოქმნიან ნივთიერებას, სახელწოდებით „ბიოფენა“. სწავლულებს ჰონკონგის უნივერსიტეტიდან, სურთ გამოიყენონ ბაქტერიების ეს თვისება ლენტისებური მიკრობული ქსელის შესაქმნელად, რომელიც დაუფლება და გადაამუშავებს მიკროპლასტიკის ნაწილაკებს დაბინძურებულ წყლებში. ექსპერიმენტალური პროექტი ჯერ კიდევ დასახვეწია, თუმცა მკვლევარები დარწმუნებულნი არიან, რომ მათი მეთოდი პლასტმასთან ბრძოლაში აუცილებლად გაამართლებს. მეთოდის ერთ-ერთი მთავარი ღირსება ისაა, რომ დაბინძურებას ბუნებრივი მიკროორგანიზმებით აღმოფხვრიან, რაც უსაფრთხო იქნება გარემოსთვის. მიკროპლასტმასი წყალში პროდუქტების პაკეტების, ბოთლებისა და სხვა საყოფაცხოვრებო საგნების ხრწნის შედეგად ხვდება. საერთაშორისო საზღვაო ორგანიზაციის მონაცემებით, 2018 წელს, მიკროპლასტმასი ზღვის 114-ზე მეტი სახეობის ორგანიზმებს აღმოუჩინეს. ასევე, ის არის მარილში, სალათის ფურცლებში, ვაშლში და კვების სხვა პროდუქტებში, რასაც ადამიანი მოიხმარს.

მასკი კლიმატის ცვლილებას შეებრძოლება



მილიარდერმა ილონ მასკმა, ახალი პროექტის – XPrize-ის წარმომადგენლებთან ერთად, ახალი კონკურსის შესახებ განაცხადა. კონკურსი კლიმატის გლობალურ ცვლილებასთან ბრძოლას ეძღვნება, რომლის მონაწილეებს მოუწევთ, წარადგინონ ინოვაციური იდეები დედამიწის ატმოსფეროსა და ოკეანეების ნახშირორჟანგისგან გაწმენდის შესახებ. მასში მონაწილეობა ნებისმიერ მსურველს შეეძლება, კონკურსის საპრიზო ფონდი კი 100 მილიონი დოლარია. ახალი წამოწყების შესახებ, მასკმა დედამიწის დღეს – 22 აპრილს განაცხადა. კონკურსის ხანგრძლივობა 4 წელიწადია და შესაბამისად, გამარჯვებულს 2025 წელს გამოვლინდება. საწყის ეტაპზე, მონაწილეებმა უნდა დაასაბუთონ, რომ ატმოსფეროდან და ოკეანეებიდან, წელიწადში, 1000 ტონა ნახშირორჟანგის გამოდევნა შეუძლიათ.

ოფისი უფსკრულის პირას მოიწყო



34 წლის ბრიტანელმა ჯეისონ გრიფინმა, ოფისი უფსკრულის ნაპირას გაიკეთა. ასეთი გიჟური იდეა მამაკაცს მას შემდეგ გაუჩნდა, რაც პანდემიის გამო, თანამშრომელთა ნაწილი მუშაობის დისტანციურ ფორმატზე გადაიყვანეს. ჯეისონი ამბობს, რომ ამგვარად იმის დემონსტრირებას შეეცადა, რომ მუშაობა ნებისმიერი ადგილიდანაა შესაძლებელი – მთავარია, გქონდეს ნოუთბუქი და ინტერნეტი. ზაფხულისთვის გრიფინი „მინი-ოფისის“ გადატანას შოტლანდიის მახლობლად, უკაცრიელ კუნძულზე აპირებს.

მძლოლებს დემონსტრანტების გადათელვის უფლება მისცეს



ფლორიდის გუბერნატორმა, რომ დესანტისმა ახალ კანონს მოაწერა ხელი, რომელიც სამართალდამცავებს დემონსტრანტების აგრესიისგან დაცავს და იმ საპროტესტო გამოსვლებსაც ჩაახშობს, რომლებიც ძალადობაში გადადიან. ეს ყველაზე მკაცრი კანონია, რომელიც ქვეყანაში არეულობების წინააღმდეგ შეიქმნა. მსგავსი არსად არ არის – აცხადებს გუბერნატორი. დოკუმენტში ნათქვამია, რომ „ბუნტი“ – ესაა წესრიგის საჯარო დარღვევა სამი ან მეტი ადამიანის მიერ, რომლებიც „მუშაობენ კოლექტიურად იმ განზრახვით, რომ ძალადობრივ და ხულიგნურ ქმედებებში, ერთმანეთს დაეხმარონ“. ახალი კანონით, მძლოლებს ენიჭებათ იმუნიტეტი, თუკი ისინი გზის გადამკვეთ დემონსტრანტებს გადათელავენ. ფლორიდის გუბერნატორი ითხოვს, გაიზარდოს ჯარიმის ოდენობა სამართალდამცავებზე თავდასხმის გამო. თუკი ხელისუფლების ადგილობრივი ორგანოები ხელს შეუშლიან პოლიციას დემონსტრაციის დაშლაში, ისინიც დაჯარიმდებიან.

ბიზნესმენები კომესტიკით ინტერესდებიან



ბევრი იაპონელი მენარმე ფინანსურად ძალიან დაზარალდა პანდემიის გამო, თუმცა კოსმეტიკური სალონების მფლობელები აცხადებენ, რომ მათი კლიენტურა საკმაოდ გაიზარდა კარანტინის პირობებში. იაპონელი ბიზნესმენები, რომელთა ასაკი 40-დან 60 წლამდეა და რომლებიც ადრე არ ინტერესდებოდნენ „ბიუტი-ინდუსტრიით“, ახლა რეგულარულად იტარებენ პროცედურებს, რათა ახალგაზრდულად და მომხივლელად გამოიყურებოდნენ კორპორატიულ შეხვედრებზე, Zoom-ში. ცნობილი ბრენდი Shiseido, რომელიც პარფიუმერიასა და თავის მოვლის საშუალებებს აწარმოებს, აღნიშნავს, რომ საკმაოდ გაიზარდა მოთხოვნა მამაკაცებისთვის განკუთვნილ პროდუქტებზე. ძლიერი სქესის წარმომადგენლები, რომლებიც ონლაინ-შეხვედრებზე მუდმივად ხედავენ საკუთარ თავს მონიტორზე, გარეგნობის გაუჯობებს ცდილობენ, რათა უფრო პრეზენტაბელურად გამოიყურებოდნენ.

ტურისტებს ვაქცინაციას სთავაზობენ



მალდივების მთავრობა, თითოეულ ტურისტს, რომელიც დასვენებას ამ კუნძულოვან ქვეყანაში გადწყვეტს, ვაქცინაციას შესთავაზებს. ტურიზმის მინისტრის თქმით, დანერგავენ სტრატეგიას, რომლის თანახმადაც, ყოველ მსურველს შეეძლება, არა მხოლოდ დაგეგმილი შვებულება გაატაროს მალდივებზე, არამედ, კორონავირუსის ვაქცინის ორივე დოზაც მიიღოს. ამ შემთხვევაში, ტურისტებს კუნძულებზე დარჩენა რამდენიმე კვირით მოუწევთ. ეს პროექტი მას შემდეგ ამოქმედდება, რაც ქვეყნის ყველა მცხოვრები ვაქცინის საკუთარ დოზას მიიღებს. ხელისუფლება იმედოვნებს, რომ ეს ინიციატივა ხელს შეუწყობს ქვეყნის ეკონომიკის განვითარებას, რომელიც პანდემიისას მნიშვნელოვნად დაზარალდა. მალდივებზე ვაქცინის პირველი დოზა უკვე მიიღო ტურისტული სექტორის თანამშრომელთა 90%-მა, ხოლო მთლიანობაში – ქვეყნის მცხოვრებთა 53%-მა.

კბილებს დაბჯენის გარეშე უმკურნალებენ



კბილების დაბჯენა და მისი თანამდევნი – ბურღი, ადამიანების უმრავლესობისთვის ნამდვილი კომპარია. კარიესის ჰუმანური მკურნალობის ერთ-ერთი, შესაძლო ვარიანტი ნატურალური ემალის აღდგენაა. ასეთი ექსპერიმენტები არაერთხელ ჩატარდა, თუმცა დღემდე პრობლემად რჩებოდა ემალის კრისტალების განსაკუთრებული სტრუქტურა. ამ საკითხის გადასაჭრელად, ჩინელმა სპეციალისტებმა, კალციუმის ფოსფატის კლასტერები გამოიყენეს 1.5 ნანომეტრის ზომით. ექსპერიმენტისას, 48 საათში მიიღეს ემალის ფენა საჭირო სტრუქტურით. ის ისეთივე სიმკვრივისაა, როგორც ნატურალური. ჩინელი სპეციალისტები იმედოვნებენ, რომ მათ მეთოდს მომავალში ფართოდ გამოიყენებენ სტომატოლოგიაში. მასალა შედარებით იაფია და დიდი რაოდენობით მისი წარმოებაც შესაძლებელი იქნება.

პროფესიები, რომლებიც სიცოცხლეს გვიმოკლებენ



ცოტა ხნის წინ, რამდენიმე ქვეყნის წარმომადგენელმა სწავლულთა ჯგუფმა განაცხადა, რომ კიდევ ერთი მნიშვნელოვანი მიზეზი გამოარკვიეს, რომელიც თანამედროვე მსოფლიოში, ადამიანს სიცოცხლეს უმოკლებს. აღმოჩნდა, რომ არსებობენ პროფესიები, რომლებიც მავნე ზეგავლენას ახდენენ ჯანმრთელობაზე და ზოგადად, სიცოცხლის ხანგრძლივობაზე. ამ დასკვნების გასაკეთებლად, სწავლულებს 17-წლიანი დაკვირვება დასჭირდათ, დაახლოებით, 140 ათას მობილისზე. ექსპერტები იმ დასკვნამდე მივიდნენ, რომ სამსახურში მიღებულ სტრესს შეუძლია გაზრდოს ინსულტის რისკი, როგორც მამაკაცებში, ასევე, ქალებში – შესაბამისად, 22% და 3%-ით. საოცარია, მაგრამ ყველაზე უსაფრთხო და ყველაზე მცირე სამუშაო სტრესის მქონედ მეეზოვისა და მალაროელის პროფესიები დაასახელეს. საშიში საქმიანობის მქონეებში კი ჩანერეს ინჟინრები, ოფისის კლერკები, მასწავლებლები, მომსახურე პერსონალი და კომპიუტერები. მკვლევართა თქმით, სტრესი არა მხოლოდ ნეგატიურად მოქმედებს ჯანმრთელობაზე, არამედ ადამიანს ცხოვრების არასწორი წესისკენ უბიძგებს. ყველაზე გავრცელებულ ცუდ ჩვევებში კი გამოყოფენ ჰიპოდინამიას, ხშირ მონევასა და დაუბალანსებელ კვებას.

სიგარეტს ლოგოტიპის გარეშე ყიდიან



ტაილანდში მთელი სავაჭრო ქსელი ოფიციალურად გადავიდა სიგარეტის „უბრალო“, ულოგოტიპო კოლოფებზე. უკვე მიმდინარე თვიდან, ყველა ახალი კოლოფი ერთნაირი, შავი ფერისაა, სიმსივნური წარმონაქმნების, ავადმყოფი ბავშვებისა და თეთრზენარგადაფარებული მიცვალებულების შესაშინებელი ფოტოებით. მონევა-სთან ბრძოლის ახალი ღონისძიების მიზანი ის არის, რომ მწველებს, განსაკუთრებით კი ახალგაზრდებს, თამბაქოს მიმართ სურვილი დაუკარგონ. აღსანიშნავია, რომ უკვე რამდენიმე წელია, ტაილანდში აკრძალულია, რომ მალაზიების ვიტრინებში, სიგარეტები დაანაყონ გასაყიდად, ამ პროდუქციის თაროები სპეციალური, გაუმჭვირვალე კარითაა დაფარული.

„ჩერნობილის არაყი“ ჩამოასხეს



ბრიტანელმა სპეციალისტებმა პორტსმუთის უნივერსიტეტიდან, რომლებიც დიდი ხნის განმავლობაში სწავლობდნენ ჩერნობილის 1986 წლის ატომური კატასტროფის გავლენას გარემოზე, ახალი არაყი ჩამოასხეს. მის შესაქმნელად კი ჩერნობილის ზონიდან აღებული მარცვლეული და წყალი გამოიყენეს. მიუხედავად იმისა, რომ არაყი Atomik-ი დამზადებულია პროდუქტებით, რომლებიც დანგრეული ბირთვული რეაქტორის მიმდებარე ტერიტორიიდანაა მოპოვებული, მისი ავტორები აღნიშნავენ, რომ სასმელი აბსოლუტურად უსაფრთხოა. წარმოებისას, დისტილირებული სპირტი გააზავეს მინერალური წყლით, რომლის ჭაც, რეაქტორიდან 10 კილომეტრში მდებარეობს. ახალი არაყის ავტორები ამტკიცებენ, რომ მათი ნახელავი სხვა სასმელზე მეტად რადიოაქტიური არ არის. სასმელის გაყიდვიდან მიღებული თანხის 75%-ს ისინი უკრაინაში, ქველმოქმედებაზე დახარჯავენ.

ტვინის დაავადებას კალმით დაადგენენ



ტვინისა და ცენტრალური ნერვული სისტემის დაავადებების დიაგნოსტიკისთვის ადრეულ სტადიებზე, სპეციალური ციფრული კალამი შეიქმნა. სიახლე აშშ-ს მასაჩუსეტის ტექნოლოგიური უნივერსიტეტის სწავლულმა წარადგინეს. მონაცემები ძალიან მარტივია გამოსაყენებლად: დიაგნოსტიკისთვის საკმარისია, რომ ამ კალმით რამდენიმე ნახატი გაკეთდეს. გაჯეტი მალალი სიზუსტითა და სიჩქარით განსაზღვრავს, აქვს თუ არა ამ კალმის მომხმარებელ ადამიანს ცენტრალური ნერვული სისტემის ზოგიერთი დაავადების, მათ შორის, ალცჰაიმერისა და პარკინსონის ადრეული სიმპტომები. ამ ინოვაციურ კალამში სპეციალური ვიდეო-კამერაა ჩამონტაჟებული, რომელიც კალმის წვერისა და ფურცლის მდებარეობას, წამში 80 კადრის სიხშირით აკვირდება. სპეციალური პროგრამული უზრუნველყოფის წყალობით, სენის ადრეული სტადიების უმცირესი ნიშანიც კი გამოვლინდება.

საკეისრო კვეთა აუტიზმის რისკს ზრდის



საკეისრო კვეთა აუტიზმის განვითარების რისკს ზრდის ბავშვებში – ასეთ დასკვნამდე მივიდნენ შვედი სპეციალისტები, კაროლინის ინსტიტუტიდან. მათ კვლევაში, დაახლოებით, 20 მილიონი ქალი მონაწილეობდა მსოფლიოს 19 ქვეყნიდან. მათ შორის იყვნენ ისინიც, რომლებმაც ბუნებრივად იმშობიარეს და ისინიც, რომლებმაც ქირურგების ჩარევით გააჩინეს შვილები. აღმოჩნდა, რომ ბავშვებში, რომლებიც ხელოვნური ჩარევით მოველინენ ქვეყანას, 33%-ით მეტი აუტიზტია, გარდა ამისა, მათში 17%-ით უფრო ხშირად გვხვდება ყურადღების დეფიციტის სინდრომი და ჰიპერაქტიურობა. სწავლულთა მოსაზრებით, შესაძლოა, ეს უკავშირდებოდეს ახალშობილის კონტაქტს დედის მიკროფლორასთან, რაც ბუნებრივი მშობიარობისას ხდება. სპეციალისტები მიიჩნევენ, რომ ამის გამო, შესაძლოა, დაირღვეს პატარას იმუნური სისტემის განვითარება და ნეგატიურად აისახოს ტვინის მუშაობაზე.

მსუქანი კატის პატრონს დააჯარიმებენ

შვედეთში, ვესტრა-გეტალანდის ადმინისტრაციულმა საბჭომ მიიღო გადაწყვეტილება, დააჯარიმოს მსუქანი კატის პატრონი, თუკი ის შინაურ ცხოველს დიეტაზე არ დასვა. ამჟამად, კატის წონა 11 კილოგრამია. ის ფაქტი, რომ ცხოველი კასტრაციის შემდეგ გასუქდა, დეპუტატებს არ აღეგუებოთ. ისინი დარწმუნებულნი არიან, რომ ჯანმრთელი კატის წონა 5 კილოგრამს არ უნდა აღემატებოდეს და მიაჩნიათ, რომ პატრონმა ის სწორად უნდა კვებოს. საბჭოს გადაწყვეტილების შეუსრულებლობის შემთხვევაში, მას ჯარიმის სახით, 5 ათასი კრონის გადახდა მოუწევს. კატის გახდომის თაობაზე, მფლობელმა საბჭოს ყოველ ორ კვირაში უნდა მიაწოდოს ინფორმაცია. ცხოველს ვეტერინარის მეთვალყურეობით აწონიან, რომელიც დაწერს კიდეც შესაბამის აქტს, საბჭოსთვის წარსადგენად.



კაკალი გახდომავი დაბეხმარებათ



კაკლის რეგულარული მოხმარება ხელს უწყობს წონის დაკლებას და სიმსუქნის განვითარების აღბათობასაც ამცირებს – აცხადებენ ამერიკელი სწავლულები, ჰარვარდის უნივერსიტეტიდან. სპეციალისტებმა კვლევა ჩაატარეს, რომელშიც 40-დან 75 წლამდე ასაკის 50 ათასზე მამაკაცი და 24-დან 44 წლამდე ასაკის 30 ათასამდე ქალი მონაწილეობდა. კვლევამ აჩვენა, რომ ნებისმიერი სახის კაკლის მოხმარების გაზრდა, ჭარბი წონის აკრეფის ნაკლებ რისკს უკავშირდებოდა. ადამიანები, რომლებიც ყოველდღიურ პორცია ნიგოზს (28 გრამი), კიდევ 14 გრამს ამატებდნენ, ზედმეტი კილოგრამების აკიდების პრობლემა არ ჰქონდათ. სწავლულების თქმით, ასეთი ეფექტის მიზეზი ის არის, რომ ნიგოზის ლეჭვა ადამიანისგან გარკვეულ ძალისხმევას მოითხოვს, რის შედეგადაც, იხარჯება კალორიები და სხვა პროდუქტების საჭმელად ნაკლები ენერჯია რჩება. გარდა ამისა, კაკალში უჯრედისის მაღალი შემცველობის გამო, ადამიანი უფრო დიდხანს გრძნობს თავს დანაყრებულად.

ანორექსიის წამალი შექმნეს



ერთ-ერთ სამეცნიერო ჟურნალში დაიბეჭდა სტატია ახალ პრეპარატზე, რომელიც ადამიანს მადის გამოწვევაში ეხმარება და ანორექსიას სძლევეს. ის კროკის საუნივერსიტეტო კოლეჯის სწავლულებმა შექმნეს. ყველაზე ხშირად, ცუდი მადა მათ აქვთ, რომლებსაც თირკმელები ანუ სიმსივნური დაავადებები აქვთ. წონის დაკლება სწრაფი დაბერების ფაქტორიცაა. მკვლევარები ამბობენ, რომ მათი ძირითადი ცდები გრელინზე – შიმშილის ჰორმონზე მიმდინარეობდა. რაც მეტია ადამიანის ორგანიზმში ეს ჰორმონი, მით უფრო დიდი აქვს მადა. სპეციალისტებმა შეძლეს გრელინის ანალოგის შექმნა და ახალი პრეპარატის შემუშავება, რომელიც არ შეიცავს არანაირ ნარკოტიკულ საშუალებას და ასევე, არ ვნებს ორგანიზმს. ახალი წამალი უკვე გამოსცადეს ლაბორატორიულ თავგებზე და შედეგი პოზიტიური იყო. ახლა წინ, კლინიკური ცდებია.

ანტიოქსიდანტური ნაყინი შექმნეს



რომის უნივერსიტეტის კარდიოლოგმა და ნაყინის მოყვარულმა, ვალერიო სანგუინიმ ცივი დესერტის ახალი რეცეპტი დააპატენტა, რომელიც ანტიოქსიდანტური თვისებებით გამოირჩევა. ზუსტი რეცეპტი, რასაკვირველია, საიდუმლოა, თუმცა ცნობილია, რომ ის შეიცავს კაკოს ფხვნილს, ტყის კაკალსა და მწვანე ჩაის ექსტრაქტს. მოხალისეებზე ჩატარებულმა კვლევებმა აჩვენა, რომ ახალი ნაყინის მოხმარება მნიშვნელოვნად აუმჯობესებს შრომისუნარიანობას. ექსპერიმენტში მონაწილეების ნაწილს ახალ პროდუქტს აძლევდნენ, ნაწილს კი – ნაყინ-პლაცებოს. შედეგებმა აჩვენა, რომ იმ მოხალისეებში, რომელთაც ახალი ნაყინი მიირთვეს, გაცილებით გაუმჯობესდა სისხლძარღვთა ფუნქცია.

პომიდორი ჯანმრთელობას ვნებს?



ამერიკელი კარდიოლოგი სტივენ ჰანდრის განცხადებით, პომიდორმა, მიუხედავად იმისა, რომ დიდი როდენობით ვიტამინებსა და მინერალებს შეიცავს, შესაძლოა, ჩვენს ჯანმრთელობას ზიანი მიაყენოს. ამის შესახებ, მან საკუთარ ნიგნში – „მცენარეთა პარადოქსი“ დაწერა. სპეციალისტის თქმით, ეს ბალჩეული კულტურა შეიცავს ნივთიერებებს, რომლებიც სერიოზულ საფრთხეს უქმნიან ადამიანის ჯანმრთელობას. ლაპარაკია ლექტინებზე – ცილების სახესხვაობაზე, რომლებსაც მცენარე მავნებლებისგან თავის დასაცავად გამოიმუშავებს. კარდიოლოგის თქმით, როცა ისინი ორგანიზმში ხვდებიან, ანთებით პროცესებსა და სხვადასხვა დაავადებების განვითარებას იწვევენ. ჰანდრი აცხადებს, რომ ცილის ეს სახესხვაობა არა მხოლოდ მავნე ბაქტერიებს ანადგურებს, არამედ, ჯანმრთელ უჯრედებსაც. სწორედ პომიდორს შეუძლია გამოიწვიოს ადამიანში ქრონიკული დაღლილობის სინდრომი, თმის ცვენა, კანზე გამონაყარი, ასევე, შესაძლოა, ნაგატიური გავლენა მოახდინოს ტვინის მუშაობაზე.

ყოველდღე დაბანას არ გვირჩევენ

ექიმი-დერმატოლოგები ადამიანებს ურჩევენ, არ დაიბანონ ყოველდღიურად. მათი თქმით, სხეულის ხშირი დაბანა ჯანმრთელობას აზიანებს. სპეციალისტების განცხადებით, შხაპის ყოველდღიური მიღება ადამიანის ორგანიზმს დამცავ ბარიერს უქვეითებს. გარდა ამისა, ხშირი ცხელი შხაპი კანის გამოშრობასა და მასზე მიკრონაპრალეების წარმოქმნას იწვევს. ყოველდღიური დაბანისას, გელისა და საპნის გამოყენება ზრდის ინფექციების განვითარების რისკს, რადგან დასაბანი საშუალებები სასარგებლო ბაქტერიებსაც ანადგურებენ. დერმატოლოგების კიდევ ერთი რჩევაა, წყლის პროცედურები 15 წუთზე მეტხანს არ მივიღოთ, რათა არ დავაქვეითოთ კანის დამცავი ბარიერი. ყოველდღიურ დაბანას, თეთრეულისა და ტანსაცმლის ხშირი გამოცვლა სჯობს.



გამაახალბა-ზრდავებელი ჯინი შექმნეს

სამედიცინო სფეროს წარმომადგენლები გვირჩევენ, თავი შორს დავიჭიროთ ალკოჰოლისგან, თუკი გვსურს, რომ კარგი კანი გვქონდეს. მიუხედავად ამისა, ბრიტანული კომპანია Bompas & Parr, რომელიც ფელატინის შთამბეჭდავ დესერტებს ამზადებს, სანინალმდეგოსკენ გვიბიძგებს. მათ შექმნეს ჯინი, რომელიც კანს ეხმარება, უფრო ახალგაზრდულად გამოიყურებოდეს. ეს ალკოჰოლური სასმელი, რომელსაც Anti-aGin უწოდებს, კოლაგენსაც შეიცავს, რომლის მოქმედებაც ნაოჭების წარმოშობას ებრძვის. როგორც ცნობილია, ამ გამაახალბაზრდავებელი ჯინის ერთი ბოთლი, ნებისმიერ მსურველს, 50 დოლარი დაუჯდება, თუმცა სპეციალისტები გვირჩევენ, რომ არსებობს ნაკლებძვირიანი პროდუქტები, რომლებიც კოლაგენის დაშლის წინააღმდეგ მოქმედ ანტიოქსიდანტებს შეიცავენ. მაგალითად, ძვლების ბულიონი, ორაგული და მწვანე ფოთლოვანი ბოსტნეული – კომბოსტოსა და ისპანახის სახით.

ზეითუნის ტვინის ანთების წინააღმდეგ

ზეითუნის ზეთის სასარგებლო თვისებები ჯერ კიდევ საუკუნეების წინ იყო ცნობილი. ცოტა ხნის წინ, ამერიკელმა სწავლულებმა პენსილვანიის უნივერსიტეტიდან, განაცხადეს, რომ ამ პროდუქტის მოხმარება მნიშვნელოვნად ამცირებს ტვინის ანთებას. ნატურალური ზეთის ზეთი ხელს უშლის ტვინის დემენციას და ინარჩუნებს მეხსიერების აქტივობას. მკვლევარებმა ექსპერიმენტებისას დაამტკიცეს, რომ ზეთი მავნე ნარჩენებისგან ასუფთავებს თავის ტვინს. ზეთის რეგულარული მოხმარება არა მხოლოდ იცავს მეხსიერებას, არამედ, ადამიანს აძლევს უნარს, ასაკის მიუხედავად, სწრაფად და მარტივად ისწავლოს ახალი რამ. ამერიკელი სწავლულების მტკიცებით, აზროვნებისთვის უფრო სასარგებლოა ზეთის ზეთი, ვიდრე ნებისმიერი სახის ხილი ან ბოსტნეული.



ვერსია
 მისამართი: ქ.თბილისი, სანკტ-პეტერბურგის ქ. 7.
 UDC(უაპ)070.48.32(479.22)3-387

დაფუძნებულია და მთავარი რედაქტორი
 მაია ფურცელაძე (599) 62-88-77
 დიზაინერი – გიორგი ლომსაძე
 e-mail: versiaprinti@yahoo.com www.versia.ge
 ტელ: +995 32 294 23 99

ISSN 1987-8699

დაცულია საავტორო უფლებები. რედაქციაში შემოსული მასალები უკან არ ბრუნდება. სტატიაში მოყვანილ ფაქტებსა და ინფორმაციის სიზუსტეზე პასუხს აგებს ავტორი. პრეტენზიის შემთხვევაში დაგვიკავშირდით 14 დღის განმავლობაში.